

曝書亭集

曝書亭集卷第二十七

詞四

靜志居琴趣

清平樂

齊心耦意下九同嬉戲兩翅蟬雲梳未起一十二年紀
春愁不上眉山日長慵倚雕闌走近薔薇架底生擒蝴蝶花
間

四和香

小小春情先漏泄愛綰同心結喚作去聲莫愁愁不絕須未是
愁時節纔學避人簾半揭也解秋波瞥篆縷難燒心字滅
且拜了初三月



生查子

刺繡在深閨總是愁滋味方便借人看不把簾垂地
弱線手頻挑碧綠青紅異若遣繡鴛鴦但繡鴛鴦睡

搗練子

煙嫋嫋雨絲絲花外東風冷杜鵑獨上小樓人不見斷腸春色又今年

菩薩蠻

低鬟十八雲初約春衫翦就輕容薄彈作墨痕飛折花滿衣
羅裙百子褶翠似新荷葉小立斂風纔移時吹又開

卜算子

殘夢遶屏山小篆消香霧鎮日簾櫳一片垂燕語人無語
庭草已含煙門柳將飄絮聽遍梨花昨夜風今夜黃昏雨

憶少年

飛花時節垂楊巷陌東風庭院重簾尚如昔但窺簾人遠
葉底歌鶯梁上燕一聲聲伴人幽怨相思了無益悔當初相
見

同作

華亭
錢芳標
葆勸

小屏殘燭小牕殘雨小樓殘夢銖衣已煙散只蘅蕪香重
錦瑟華年愁裏送便淒涼也無人共傷心白團扇畫秦
娥簫鳳

漁家傲

淡墨輕衫染趁時落花芳草步遲遲行過石橋風漸起香不
已衆中早被游人記桂火初溫玉酒卮柳陰殘照柁樓移
一面船牕相並倚看淥水當時已露千金意

如夢令

橫塘斜日照扉松
釵柳帶依依
猶記石橋下
綠陰小舫催歸
花飛花飛
獨自水上湔衣

秦樓月

春眠足
畫樓十二屏
山六屏山六
柔波不斷
遠峰難續
庭前種盡相思木
機中織就相思曲
相思曲看朱成碧
視丹如綠

朝中措

蘭橈並載出橫塘
山寺踏春陽
細草弓弓韞印
微風葉葉衣香
一灣流水半竿斜
日同上歸艎
贏得渡頭人說
秋娘合配冬郎

瑤花

午夢

日長院宇鍼繡慵拈況倚闌無緒
翡翠幄看盡展忘却東風簾戶芳
魂搖漾漸聽不分明鶯語逗紅蕉
葉底微涼幾點綠天疎雨畫屏遮
徧遙山知一縷巫雲吹墮何處愁
春未醒定化作鳳子尋香留住相思
人並料此際驚回最苦
甯池上楊花莫便枕邊飛去

鵲橋仙

十一月八日

一箱書卷一盤茶磨移住早梅花下
全家剛上五湖舟恰添了箇人如畫
月弦新直霜花乍緊蘭漿中流徐打
寒威不到小蓬牕漸坐近越羅裙衩

天仙子

小櫂若邪乘曉入
苧蘿人已當風立
好春不雨但濃陰
鉛水急溪紗濕麗
草雲根香暗拾

又

小閣春寒煙乍禁
爐香先潤鴛鴦錦
低帷纔悔殺明燈花影
浸牕櫺
滲斜月一條剛到枕

南歌子

忍淚潛窺鏡
催歸嬾下階
臨去不勝懷
爲郎迴一盼
強兜鞵
芙蓉月

蠻府輟擢時
梅熟處
日日闌風吹雨
無心好夢早
被行雲勾
住
難道今番是夢
夢裏分明說
與留不得
翠衾涼
珠淚飄殘
蜜炬
啼鵲滿山樹
謝多情
小鳥勸儂歸
去
秋期過了
夜月寒生
南浦
執手枯荷池上
宛種玉
亭東路
貪夢好
問柔魂
可曾飛度

眼兒媚

那年私語小牕邊
明月未曾圓
含羞幾度已拋人
遠忽近人前
無情最是寒江水
催送渡頭船
一聲歸去臨行又坐乍
起翻眠

鵲橋仙

辛夷花落海棠風起
朝雨一番新
過狸奴去後
繡窗溫且伴我
日長閒坐
笑言也得欠
伸也得行處
丹靨婀娜
簸錢鬪草已都輸
問持底今宵償我

行香子

蠶月桑津
輕浪魚鱗
好風光最易愁人
相逢休便閒却
殘春待播船迴
游驄去又因循
歌罷梁塵舞散
花茵下樓梯簾外
逡巡有緣並坐
不在橫陳
話夜闌時人如月月如銀

增字漁家傲

百蝶仙裙風易裊，藕覆低垂淺露驚。鴻爪元夕初過寒尚峭，
呼別擢雪花點點輕帆杪。別院羊燈收未了，高揭珠簾特
地留人照。衆裏偏他迴避早，猜不到羅幃昨夜曾雙笑。

金縷曲

枕上閒商略，記全家元夜看燈小。樓簾幙暗裏橫梯聽點屐，
知是潛回香閣險，把个玉清追著徑。春衣風漸逼，惹釵橫，
翠鳳都驚落。三里霧旋迷却，星橋路返填河鵲。算天孫已
嫁，經年夜情難度，走近合歡牀上坐。誰料香含紅萼，又兩暑
三霜分索。綠葉清陰看總好，也不須頻悔當時錯。且莫負曉
雲約。

十六字令

尋簾外無端墮玉簪，籠燈去休待落花深。

摸魚子

粉牆青虯檐百尺一條天色催暮洛妃偶值無人見相送轂
塵微步教且住攜玉手潛行莫惹冰苔仆芳心暗訴認香霧
鬢邊好風衣上分付斷魂語 雙栖燕歲歲花時飛度阿誰
花底催去十年鏡裏樊川雪空裊茶煙千縷離夢苦渾不省
鎖香金篋歸何處小池枯樹算只有當時一丸冷月猶照夜
深路

婆羅門令

九日

渠去日一帆春水儂到日也一帆秋水怪道相逢翻不是相
期地無一語只當相逢未 霜風緊霜葉脆上危梯九日層樓
倚樓頭縱得潛攜手催去也怨鸚鵡紅背別時真惜住也無
計此恨絲絲詎已每遇登高會便灑登高淚

西江月

傍玉何曾暑熱惜香最恨眠遲殘燈未殺影迷離一點紗籠
紅蕊 小雨初過庭樹新涼漸近羅幃殷勤臨別爲披衣軟
語蟲飛聲裏

城頭月

別離偏比相逢易衆裏休迴避喚坐回身料是秋波難制盈
盈淚 酒闌空有相憐意欲住愁無計漏鼓三通月底燈前
沒箇商量地

兩同心

認丹鞵響下畫樓遲犀梳掠倩人猶未螺黛淺俟我乎而看
不足一日千迴眼轉迷離 比肩縱得相隨夢雨難期密意
寫折枝朶朶柔魂遞續命絲絲雒神賦小字中央只有儂知

臺城路

晨紅纔射南牕影。犀帷被誰驚起。啁雀爭枝寒梅吐萼。攪得雪花都墜。暗香簪未早濕了。當風畫羅衣袂。簡點熏籠。辟邪爐火。陷灰細。
昨宵回憶並坐問。何曾酒釀宿醒。如是橄欖漿酸蛤蜊湯俊。猶道不消殘醉。曲屏斜倚看舊埽。省峰漸低。穹翠半枕。普騰到日。高翻睡。

南鄉子

明日別離人未戀。今宵月似銀。只願五更風又雨。飛到暮啼殺杜鵑。催不去。

又

斗帳杏梁西不許。花蚊見並棲。分與羅衾香繚繞。遮了一翦微風。紈扇小。

聲聲慢 七夕

桐陰重碧豆葉輕黃溪沙過雨無泥盡卷纖雲一鉤涼月樓
西尋思昔游歷歷記迴廊纖手曾攜好風度愛吹衣香細點
屐聲低誰道離多會少比露蛩秋蟀只解凝啼恨別江淹
舊時南浦都迷輸他雙星歲歲料紅牆銀漢難躋孤夢遠尚
牽人橫閣小梯

夢芙蓉

日長深院裏見微吟紅豆學書青李鼠鬚散卓曾付埽眉翠
綠紗風不起爐煙都篆心字密締星期許支機石畔來往絳
河水誰料分飛萬里霧露芙蓉恨別成秋蒂桃蹊重到仙
犬遽迎吠澀塵凝滿砌夕陽空自垂地舊日迴廊剩枇杷一
樹花下小門閉

三姝媚

灣頭登小牒慣風生衣香水湔裙褶待到重門縱教攜玉腕
尚羞紅頰月姊窺儂也勸飲深杯稠疊織女機邊一綫秋河
夜涼人涉 早是含情迎接怕峽雨他山易霑桃葉第一相
思是牀東韞刻暗塵潛躡舊事淒涼化夢裏雙飛蝴蝶剩有
輕綃十幅曾圍秀靨

滿庭芳

雨蓋飄荷霜枝釘菊滿庭芳草萋萋莫愁催送香徑手重攜
疊取鴛鴦繡被屏山近已分雙棲金簪拔暗除了鳥不用繞
唐梯 低帷聽細語五湖心事釵卜難稽得霧深三里花隔
千溪只是仙源無路添惆悵殘月荒雞繩河曉黃姑織女依
舊水東西

青玉案

灣頭分手盈盈步。潛約到西湖住。蘇小門前芳草渡。依稀曾記小樓深巷。儘是銷魂處。到來忽下前溪路。月黑頻催送柔櫓。及至前溪人又去。游絲落絮。春來無定。總被東風誤。

南樓令

疎雨過輕塵。圓莎結翠茵。惹紅襟乳燕來頻。乍煖乍寒花事了。留不住，塞垣春。歸夢苦難真。別離情更親。恨天涯芳信無因。欲話去年今日事。能幾箇，去年人。

又

垂柳板橋低。嬌鶯著意啼。正門前春水初齊。記取鴉頭羅幘小。曾送上官娘堤。花底惜分攜。苔錢舊徑迷。燕巢空落盡芹泥。惟有天邊眉月在。猶自挂小樓西。

後庭花

低鬟斂盡雲顰側粉香都拭生憎桂帳秋蚊入教郎輕擘
紅藤細織暹羅席方花盈尺冷波一任鴛鴦拍殘夢無力

減蘭

犀梳在手逋髮未撩勻面後眉語心知引過閒房步步隨
頽香煖玉牽拂腰巾帶重束一段歸雲誰驗蛇醫臂上痕

好事近

往事記山陰風雪鏡湖殘臘燕尾香緘小字十三行封答
中央四角百回看三歲袖中納一自淩波去後悵神光難合

浣溪沙

桑葉陰陰淺水灣更無人處竹迴環飛來一片望夫山
勸客且留今日住催歸深悔那時還斷腸朝雨賦陽關

卜算子

留贈鏡湖紗。浣女機中織。裁作輕衫穩稱身。更染蒲萄色。
松葉頗黎碧。勸飲春纖執。本向人前欲避嫌。禁不住心憐惜。

賣花聲

相見罷凭闌。並坐重關。熏爐初徙鏡臺寬。子石琢成蓮葉小。
教試麋丸。畫扇翠峰攢。一面霜紈。別來詩句幾曾閒。雜體
江淹三十首都寫伊看。

紅娘子

袖薄吹香過。髮重縈鬟。壓衆風流傾城色。笑趁時梳裏慣。
新詩詠罷。少人知。一篇篇教和。別淚看頻墮。密約何曾果。
七夕星河中秋院落上。元燈火。悔當時花月可憐宵。鎮相逢
閒坐。

換巢鸞鳳

桐扣亭前記春花落盡纔返吟鞭鴨頭凝練浦鵝眼屑榆錢
蘭期空約月初弦待來不來紅橋小船蓬山近又風引翠鬟
不見飛燕書乍展哽咽淚痕猶自芳牋染玉鏡妝臺青蓮
硯匣定自沉吟千徧解道臨行更開封背人一縷香雲翦知
他別後鳳釵攏鬢深淺

如夢令

七夕

記摘小園瓜李七夕年時花底駮女嫁癡牛嫁到良宵十四
彈指彈指好事已成虛事

采桑子

五月六日

攜來九子同心綬蒲酒猶濃夜帳輕容續命絲長鍼再縫
須知後會渾無據難道相逢十二巫峯峽雨輕迴第四重

一葉落

淚眼注臨當去此時欲住已難住下樓復上樓樓頭風吹雨
風吹雨草草離人語

無悶

雨夜

密雨垂絲細細晚風約盡浮萍池水乍一霎黃昏小門深閉
作去聲弄新涼天氣怕早有井梧飄階砌正楚筠簟冷香篝簡
點舊時鴛被無計纔獨眠更坐起恁說愁邊滋味翠蛾別
久遠信莫致縱有夢魂能記尋不到長安三千里料此夜一
點孤燈知他睡也不睡

點絳脣

萬里將行翦燈重伴西樓語遠書欲附細把郵籤數風雨
江頭不許離人去離人去斷腸歸路秋草真娘墓

風蝶令

秋雨疎偏響秋蟲夜迸啼空牀取次薄衾攜未到酒醒時候
已淒淒塞鴈橫天遠江雲擁樹低一灣楊柳板橋西料得
燈昏獨上小樓梯

鵲橋仙

青鸞有翼飛鴻無數消息何曾輕到瑤琴塵滿十三徽止記
得思歸一調此時便去梁間燕子定笑畫眉人老天涯況
是少歸期又匹馬亂山殘照

玉闌干

玉闌干外秋蛩語一架豆花清露蘭湯浴罷納新涼攜纖手
夜深爾汝綠牕人遠紗空護網暗塵蛛絲無數舊時梁燕
也驚心一回來却又飛去

柳梢青

回雁書遲燒燈時候尚促歸期獸錦梭拋鮫珠淚盡也忒相思
彩雲天遠瑤姬便不管人間別離約指輕彊熏香小像
都悔還伊

留春令

鍼樓殘燭鏡臺剩粉醉眠曾許長記羅幃夢回初響幾點催
花雨別淚連絲繁主簿賸定情詩句一樣霜天月仍圓只
不照淩波步

少年游

清溪一曲板橋斜楊柳暗藏鴉舊事巫山朝雲賦罷夢裏是
生涯而今追憶曾游地無數斷腸花塘上鴛鴦梁間燕子
飛去入誰家

祝英臺近

紫簫停錦瑟遠寂寞舊歌扇萍葉空池臥柳埽還倦便令鳳
紙頻書芹泥長潤招不到別巢秋燕露華泣猶剩插鬢金
鈴殘菊四三點階面青苔不雨也生偏縱餘一縷香塵韞羅
曾印奈都被西風吹卷

風入松

朝雲不改舊時顏飛下屏山巖城乍報三通鼓何繇得遮夢
重還露葉猶聞響屧風簾莫礙垂鬟簪花小字篋中看別
思迴環穿鍼縱有他生約悵迢迢路斷銀灣錦瑟空成追憶
玉簫定在人間

慢卷紉

桃葉舟回楓林客去西渚波千疊見十里橫塘幾陣涼颼獨

上小樓柔腸斷絕春信鶯花秋期河漢總是愁時節悵碧海
青天夜色蒼涼歸去明月淒淒切切相思苦夢雨何曾歇
恁不似當年絳脣含笑而今賸有啼痕淚頰洛浦川長青谿
路斷曉露風燈滅但寄語江淹有個人兒莫便輕別

玉樓春

殘霞散盡魚天錦臥柳門前萍葉浸画梁塵暝燕空歸露井
風多蛩未寢悲秋楚客今逾甚那有閒情拚夜飲屏山凝
睇已無存何況玉鏤金帶枕

臨江仙

寒水籬根二尺莫愁艇子能容纖纖細步到房櫳青蛾勾黛
淺粉拂掠雲鬆憶食憶眠憶坐好春長定相逢侍兒一一
小名重卷衣孫秀秀減燭許冬冬

又

昨日苦留今日住來朝再住無因畫樓欲下幾逡巡殘燈三
兩燄別淚一雙人料得離居多少恨歸期數徧冬春長愁
不獨繭眉顰口中生石闕腹內轉車輪

又

白鷺飛邊舟一箇縈迴幾曲芳洲晚涼重過曝衣樓籠燈迎
竹外搖櫓到沙頭煙水空存桃葉渡依然蘭月如鉤十年
霜鬢不禁秋可憐新蝶夢猶戀舊蚊幃

洞仙歌

書牀鏡檻記相連斜桷慣見修蛾遠山學倩青腰授簡素女
開圖纔凝盼一綫靈犀先覺新來窺宋玉不用登牆近在
蛛絲畫屏角見了乍驚迴點屐聲頻分明覩翠帷低擢旋手

揭流蘇近前看又何處迷藏者般難捉

又

謝娘春曉借貧家螺黛須拗花枝與伊戴
傍妝臺見了已慰相思原不分雲母船牕同載
叢祠燈火下暗祝心期衆裏分明並儂拜盡說比肩人目送登艫香漸裊晚風羅帶信柔
槽嘔啞撥魚衣分燕尾溪流赤欄橋外

又

津亭回首望高城天遠何況城中玉人面數郵籤萬里嶺路
千重行不得懊惱鷓鴣啼徧鬱孤臺畔水解送歸人三板
輕船疾於箭指點暮愁村樹下門前怪別後雙蛾較淺若不
是臨風暗相思肯猶把留題舊時團扇

又

仲冬二十七算良期須果

仲冬二十七是良期秀州精嚴寺鬼詩也

若再沉吟甚時可沉

熏爐漸冷牕燭都灰難道又各自抱衾閒坐銀灣橋已就

冉冉行雲明月懷中半霄墮歸去忒怱怱軟語丁寧第一怕

鞦韆羅塵浣料消息青鸞定應知也莫說今番不曾真个

詹玉詞不

曾真个已銷魂

又

別離改月便懨懨成病鎮日相思夢難醒喚連船渡口晚飯

蘆中相見了不用藥爐丹鼎雙銀蓮葉殘滿貯椒花同向

燈前醉司命昵枕未三更蘭夜如年奈猶憾亂鴉初景起折

贈黃梅鏡奩邊但流睇無言斷魂誰省

東京夢華錄十二月二十四日備酒果送神以糟塗窻門謂

之醉司命

又

東風幾日覺春寒猶甚纖手偷攜笑誰禁對初三微月看到
團圓鋪地水處處韞羅涼浸周郎三爵後顧曲無心爭忍
厭厭夜深飲只合並頭眠有限春宵切莫負煖香鴛錦最難
得相逢上元時且過了收燈放船由恁

又

佳期四五問黃昏來否說與低帷月明後怕重門不鎖仙犬
窺人愁未穩花影忽忽分手雞缸三兩殘力薄春醪何事
卿卿便中酒翻喚養娘眠底事誰知燈一點尚懸紅豆恨咫尺
繩河隔三橋全不管黃姑夜深來又

雞缸成窰
小酒杯也

又

城頭畫角報橫江艫舳催上扁舟五湖曲怪芻尼噪罷蟾子
飛來重攜手也算天從人欲紅牆開窰奧轉入迴廊小小

牖紗拓金屋隨意楚臺雲抱玉挨香冰雪淨素肌新浴便歸
觸簾旌侍兒醒只認是新涼拂檐蝙蝠

又

韶光最好甚睂峰長聚相勸乘船漾南浦盼海棠簪後插到
荼蘼同夢裏又是楝花風雨橋東芳草岸勝樂游原勾隊
爭看小蠻舞雀舫曳疎簾蛛網浮杯但日日鸞簫吹度聽唱
徧青春驀山溪待拆了歌臺放伊歸去

又

三竿日出愛調妝人近鳬藻熏爐正香潤看櫻桃小注桂葉
輕描圖畫裏只少耳邊朱暈金簪二寸短留結殷勤鑄就
偏名有誰認便與奪鸞篋錦髻梳成笑猶是少年風韻正不
在相逢合歡頻許並坐雙行也都情分

又

花燄九日綴蠻王獅子圓菊金鈴鬢邊媚向閒房密約三五
須來也不用青雀先期飛至恩深容易怨釋怨成歡濃笑
懷中露深意得个五湖船雉婦漁師算隨處可稱鄉里笑恁
若將伊借人看留市上金錢儘贏家計

孟子注西施每入市人
欲見者先輸金錢一文

又

隔年芳信要同衾元夕比及歸時小寒食悵鴨頭船返桃葉
江空端可惜誤了蘭期初七易求無價寶惟有佳人絕世
傾城再難得薄命果生成小字親題認點點淚痕猶裏怪十
樣蠻牋舊曾貽祇一紙私書更無消息

又

蘋洲小櫂約兜娘相共豈意錢唐片帆送逢故人江上一路

看山寧料我過了惡溪靈洞
東甌城下泊孤嶼中流明月
秋潮夜來涌此際最消凝苦憶西樓想簾底玉鈎親控舍舊
枕珊瑚更誰知有淚雨烘乾萬千愁夢

又

蕭郎歸也又燒燈時節白馬重嘶畫橋雪早青綾幃外含笑
相迎花枝好繡上春衫誰襯
十三行小字寫與臨摹幾日
看來便無別排悶偶題詩玉鏡臺前渾不省竊香人竊待和
了封題寄還伊怕密驛沉浮見時低說

又

明湖碧浪枉輕帆尋徧咫尺仙源路非遠訝杜蘭香去已隔
多時又誰料佳約三年還踐
纖腰無一把飛入懷中明月
重窺舊時面歸去怯孤眠鏡鵲晨開雲鬢掠小脣徐染偏走

向儂前道勝常渾不似西牕夜來曾見

又

行舟已發又經旬調笑不算忽忽別離了奈飛龍骨出束竹
腸攢月額雨持比淚珠差少羅囊鍼管就絡以朱繩淡墨
疎花折枝裊中有錦牋書密囑歸期道莫忘翠樓煙杪枉姑
負劉郎此重來戀小洞春香尚餘細草

又

崔徽風貌信十

平聲

分姚冶八尺吳綃問誰借悔丹青不學殺

粉調鉛呈花面輸與畫工傳寫乘閒思挂壁分付褰池卷

處香生一囊麝自化綵雲飛蟲網蝸涎又誰對芳容播喏儘

沉水煙濃向伊熏覲萬一真真夜深來也

買安替月潤臉呈花唐人志銘中語也李賀詩

沉香熏小像

鳳凰臺上憶吹簫

題朱十靜志居琴趣後 曹溶

燒燭鴻天惜花雞塞馬卿偏好傷春正翠鈿盈袖弱絮隨
輪無限柔腸宛轉秋雨夜夢想朱脣抽銀管湘簾乍卷寶
鴨橫陳 眞眞者番瘦也酒醒後新詞只索休頻待繡帆
高挂遲日江濱齊列瑤箏檀板攜妙妓徐步香塵歸難驟
寒宵坐來一對愁人

怨王孫

七夕

一水填却雙星如約乞巧誰憑慙愁君莫知道駢女癡牛肯
憐不 悠悠歲月辭家者孤眠且此夕何夕也碧梧小院風
細露檻同凭昔年曾

憶少年

一鉤斜月一聲新雁一庭秋露黃花初放了小金鈴無數

燕子已辭秋社去
剩香泥舊時簾戶
重陽將近也
又滿城風雨

曝書亭集卷第二十七

曝書亭集卷第二十八

秀水 朱彝尊 錫鬯

詞五

茶煙閣體物集上

柳色黃

對雨

岸側榆錢牆角棟花吹已將盡漸添綠葉陰濃轉覺晚來風
緊絲絲縷縷界開密霧低煙暗催闌藥紅尖潤怕鳳子衣單
把柔黃都褪 休問鈿車驄馬縱約歸期料應難準最憶江
南屐齒滿街聲趁吳歌幾曲穩坐細浪魚天落帆笑指柴門
近任踏破苔痕數小園新筍

渡江雲

欲雪

河冰遙度馬稜稜寒色望裏但疎蕪漸吟蛩已靜祇聽空林

大觜啄飢烏魚鱗萬點斂雲英半晌模糊却一似畫家米虎
潑墨寫江圖 南湖恁時風景春到苔枝有紅梅樹樹儘容
我青鞵岸淨白舫燈孤而今苦被浮榮縛擁殘甌不比蘭蘇
拚醉也牀頭酒價都無

聒龍謠

雪

密比花繁輕嫌絮重一半斜侵簾戶淡抹牆腰似月稜初吐
纔飄墮凍雀聲中又壓倒早梅開處縱旗亭臘釀堪沽已迷
却板橋路 颼風緊亂雲低見潑墨點點林鴉催暮一絲漁
艇料今番歸去訝光寒入夜翻明漸灑急聽牕如雨問隔江
桃葉桃根尚能來否

春風裊娜

游絲

倩東君著力繫住韶華穿小徑漾晴沙正陰雲籠日難尋野

馬輕颺染草細綰秋蛇燕蹴還低鶯銜忽溜惹却黃鬚無數
花縱許悠揚度朱戶終愁人影隔牕紗惆悵謝娘池閣湘
簾乍卷凝斜盼近拂簷牙疎籬眉短牆遮微風別院好景誰
家紅袖招時偏隨羅扇玉鞭墮處又逐香車休憎輕薄笑多
情似我春心不定飛夢天涯

無夢令

飛花

魚浪飄香千點燕尾分煙一翦已自出牆東又被輕風吹轉
輕風吹轉剛逗卷簾人面

步蟾宮

端溪觀采硯

蒼山暗束寒江轉問巖穴探時深淺不妨篝火夜連朝待割
取谿雲一半疎疎嫩葉青花遍比剗却羊肝更軟看來只
合寄情人已早有相思淚眼

掃花游 試茶

棟花放了正穀雨初晴逼籬雲水曉山十里見春旗乍展綠
槍未試立倦濃陰聽到吳歌偏起焙香氣裊一縷午煙人靜
門閉清話能有幾任舊友相尋素瓷頻遞悶懷盡矣況年
來病酒夜闌須記活火新泉夢繞松風曲几暗燈裏隔牕紗
小童斜倚

一枝春

汪舟次貽流求筆筠管蘆管各一同查客賦之

海外青羊也中書偶被星查攜到明牕脫帽掐破麻姑纖爪
黃蘆墨竹慣斜鏤一枝花裊持比似諸葛宣城樣變棗心翻
巧遙憐水雲孤島想銀光研紙留題多少小扇香匳愛染
夕陽芳草層波萬里付吳下阿儂誰料端可惜老去章臺画
眉嬾了

筆帽製其一
面活脫下上

瑞鶴仙

錢編修庸亭席上觀司馬相如私印

土花凝古繡見細紋卷髮冷光塗黝朱綠覆冰紐愛千年未
蝕幾絲紅籀燒春熟後料無心蟲魚刻鏤算除非賣賦金多
書券恁時纔有知否遙山描罷卓女風流定拈纖手摩挲
已久挑短燭把看又論才華不是凌雲健筆可許尋常消受
拚夜寒典了鸚裘肯教換酒

天香

龍涎香

泓下吟殘波中燄後珠宮不鎖癡睡沫卷盤渦腥垂尺木采
入蜃船鮫市南蕃新譜和六一丹泥分製裏向羅囊未許攜
歸金匱先試炎天最饒涼思井華澆帛鋪澄水百沸瓊膏
噓作半牕雲氣麝火溫磨欲陷又折入犀帷裊難起螺甲重
挑茶煙較細

又前題

擣就花房鏤成棗印勾摹七寶痕淺小鼎蟠螭沉灰撥獸銀
葉中央徐點靈絜乍漉早搖曳雲魂一線壓住秦篝又起偏
噓杏梁棲燕客愁雨餘清簟潤涼波半衾新煖最憶玉牕
人怯擘時曾見認得吳家心字話江漲橋南寄來遠春夢羅
囊賦情未倦

能改齋漫錄近時士人於錢塘江漲橋爲俠斜之游其後陷河南不返其友寄以龍涎香士人酬之云認得吳家心字香玉牕春夢外絲羅囊

十二時

雲母燈

是何人碧山深處潛入仙廚私竊把石粉雲英堆積翦層
層疊疊面面裝成稜稜作去聲就細染紅牋貼正夜靜改席西
園紫鳳吐珠曾否銅槃吹滅閒更思梨花院落定自十分
清絕宿鳥窺來飛蛾拂去不道成冰雪謾認他是燈分明一
片冷月也只消拋殘小扇玉面當前終怯怎得攜歸江南

樂事開向元宵節看翠睂幾許屏風影中低說

點絳脣

新體

香袂飄空爲誰一笑穿花徑有時花頂羅襪纖纖並飛去
飛來不許驚鴻定重門靜粉牆深映留取春風影

前題

曲周

王顯祚

湛求

青粉牆高是誰紅索中搖曳窄衫初試轉覺腰支細冷
笑江南不省春遊戲層檐底畫裙窄地生怕風扶起

和韻

桐鄉

錢

琰

又持

小院層闌下臨一道薜蘿徑柳梢花頂飛燕差堪並
娜春風不放游絲定金鈴靜翠遮紅映忍露全身影

釵頭鳳

藏鈎

華筵半銀燈燦玉鈎纖手陳青案傳言快分曹待暗將心事

把秋波賣在在在 番番換低低喚个儂翻被人偷算三杯
外含嬌態不應輸與笑拈衣帶再再再

臨江仙 金指環

削就葱根待束挂將榴火齊炎殷勤搓粉爲君拈愛他金小
小曾近玉纖纖 數徧檀郎十指帶來第五猶嫌憑教麗句
續香奩解時愁不斷約了悶翻添

踏莎行

釵

金重難勝勝翠勻如沐愛他也有同心目曉來尋慣枕函邊坐
懷先綰香雲束 小鳳垂珠小魚銜玉離愁夜半挑殘燭玉
郎消息斷紅牋背人潛把歸期卜

鵲橋仙

鞦韆

湖菱烏角渚蓮紅瓣不比幫兒還瘦拈來直是小觥船只合

借燈前行酒 春陽花底春泥陌上最好踏青時候假饒無
意把人看又何用明金壓繡

秦樓月

吹笙

涼煙翠銀河潋灩光垂地光垂地小樓一曲月華如水排
成鳳翅聲初遞聽殘鵝管君須記君須記風簾卷處那人雙
鬢

沁園春

額

鏡檻初開宜對粉題休籠紫綸記折花共劇蘭雲纔覆塗妝
伊始翠鈿曾安慣疊纖羅微嫌短髮手裊紅絲著意刪犀梳
斂護貂茸一翦閣住輕寒日斜倚小門闌但端正窺人莫
便還見障羞月扇低時半露吹愁梅瓣點處成斑素柰看勻
小蟬比並料是詩人想像間蜂黃淺愛夕陽無限映取遙山

李白詩妾髮初覆額折花門前劇王建詩素奈花開西子面衛
風螭首蛾眉省孔氏疏云小蟬也溫庭筠詩額黃無限夕陽山

前題

錢芳標

憶折花時幾寸青絲髮髮覆初愛寶函對影安黃恰正小
鈿當面貼翠誰如解事春風多情梅瓣數點含章殿角虛
山無限映夕陽一抹眇眇愁余水晶簾底妝梳又怕熱
蟬紗絳乍除道宮省學畫量來休廣宿醒餘困感罷纔舒
嬌女詩中碩人句裏費盡才情比擬渠殷勤祝舉玉纖加
處默訴冰蜍

又鼻

滴粉堆成黃點輕黏運斤可能見窺簾乍露斜侵短燭挑鬟
欲徧易近圓冰愛靦青梅慵填香棗扶下秋千喘未勝閒中
坐試微噓素指暗驗鈎繩荷風水檻長憑盼消息郎歸嚏

定曾伴謝公游去聯吟或擁徐妃妝後半面須絙淚泣低分
汗融先拭紅袖遮來媚轉增凝神久想新停月脈旋抱飛蠅

抱朴子玉女常以黃玉爲誌大如黍米在鼻上是真玉女也圓冰小鏡名香囊用石
索事淮南子子午卯酉爲二繩丑寅辰巳未申戌亥爲四鈞俗傳鼻息左右可以驗
時婦人有娠
蠅抱其鼻

又耳

玉琢芳根麝月初弦螺峰遠侵勝吳綃畫了微添朱暈秦璫
繫却密釘神針粉拂頻沾香雲帶掠釵鳳珠垂冷不禁盤龍
鏡映玉臺素手影後斜臨小堂誰弄清琴通一線靈犀直
到心慣春閒易倦偷黏角枕夢輕難續翻恨鶯吟細馬馱來
埃風生處掩就綸巾未易尋羅幃底把無聲私語遞向更深

唐張萱畫婦人
以朱暈耳根

前題

錢芳標

阿母前頭影語微詞靈犀早通幾傳來芳信喜占晴鵲送
來愁緒暗數秋蛩擷笛層樓賣花深巷閒處關心幼便聰
纖瓊嫩倩香貂垂鬢護取尖風 附時密約喁喁怕侍女
猜嫌未許從儘夢回山枕半輪欹仄妝成珠珥兩朶玲瓏
髮鬢纔梳彎環欲吐弦月依稀翠霧籠重門鎖怪誰呼小
字熱處微紅

又

文貝編成密鎖華池懸漿易霑愛蘭湯乍嗽含朱愈瑩瓠犀
難擬排玉還銛刺繡花勻縫衣結扣持截餘絲不用添芳津
燕對青梅一點軟却慵拈 早鴉啼徧前檐悄叩罷潛將心
事占見輕塵動處歌時定啓愁眉展後齟齬慣休嫌忍病先寒
因嬌或噤佇想頻銜素指纖相思字漫沉吟鬢筆褪了毫尖

釋名曰口下曰承漿針灸經曰承漿一名懸漿也醫家口
齒方有唐邵英俊排玉集司馬相如作賦把筆鬚之似魚

又肩

紉質停勻比似陸郎何曾暫離被詞人賦就望中疑削畫工
減盡染處恒垂籬弱纔過牆低乍及結伴還從影後窺緣紅
索上秋千小立恰並花枝 蝓蟻領下訶梨翦雲葉玲瓏一
半虧記量成尺六難增分寸飲過三爵易致斜敔愛拍樽前
頻扶倦裏細步惟應處處隨吟飛雪怕玉樓生粟拂袖遮伊
海鹽陸東美妻有容止夫婦相重寸步不離時號比肩人洛神賦肩若削成畫
法美人無肩漢雜事肩廣尺六寸蘇子瞻雪詩凍合玉樓寒起粟玉樓謂肩也

又臂

勝母陀羅八萬四千非耶是耶效蹋搖娘曲聯時宛轉胡騰
兒舞旋了交加拍案霓裳張同鳳翅攘處拖環急鼓搥呼同
坐把香肩微竦側倚琵琶 曲欄憑晚涼些添羅袖纔令一

半遮更泥他沽酒卸金跳脫教伊展畫替玉鴉又待枕先舒
將明暗齧宜印綢繆小字斜臨當別擣花房蜥蜴重繫紅紗
首楞嚴經二臂四臂乃至八萬四千母陀羅臂目李紳拓枝伎詩畫鼓拖環錦臂壤又
鳳聲初歇翅初張李商隱詩展画玉鴉又齧臂盟見左傳唐宮人選幸以綢繆字
臂印

又掌

小小瓊田煖玉無塵紋生細波慣先調粉澤兩邊齊傳未昏
菱鏡一面頻磨鞦拓真纖指離偏遠水上湔裙著意搓闌干
拍惹鴛鴦驚起飛度風荷樽前一握無多縱燕燕身輕舞
則那任青紅碧綠按成綵縷裁縫熨貼研就香羅冷露三霄
明珠幾顆除是仙人不讓他春來病把芳心捧罷百偏摩抄
楊无咎詞掌拓鞦兒漢雜事指去掌
四寸李商隱詩仙人掌上三霄露

又乳

隱約蘭胸菽發初勻脂凝暗香似羅羅翠葉新垂桐子盈盈
紫葍乍擘蓮房竇小含泉花翻露蒂兩兩巫峰最斷腸添惆
悵有纖桂一抹即是紅牆偷將碧玉形相怪瓜字初分蓄
意藏把朱欄倚處橫分半截瓊簫吹徹界住中央量取刀圭
調成藥裏寧斷嬌兒不斷郎風流句讓屯田柳七曾賦酥娘

漢雜事胸乳菽發

又膽

藥塢芝房一點中池生來易驚笑金釵卜就先能斷決犀株
鎖後纔得和平樓響登難房空怯最三斗除非借酒傾芳名
早喚狗兒吹笛伴取歌聲沉憂何事牽情悄不覺人前太
息輕怕殘燈枕外簾旌蝙蝠拂幽期夜半牕戶雞鳴愁髓頻寒
回腸易碎長是心頭苦暗并天邊月縱團團如鏡難照分明

黃庭經注膽爲中也素問膽主斷決李賀詩犀株防膽怯三斗
借用管輅事元稹詩狗兒吹笛膽壞歌內經膽病者善太息

又腸

嫵娘輕軀能有幾多容萬斛愁慣悲銜腹內相看脈脈事來
心上一樣悠悠鳥道千盤轆轤雙綆又類車輪轉未休縈方
寸穿錦梭暗擲弱縷中抽柔情曲似江流怕易割秋山嬾
上樓況三朝三暮已猿峽口一聲一斷杜宇枝頭百結將離
九迴猶剩杯沃能勝酒力不樽前曲再休歌河滿淚落難收
白居易詩能有幾多腸錦梭用梭腸有意錦絲穿語魚玄機詩離腸百結解無由
李商隱詩回腸九迴後猶有剩回腸又白詩三杯自要沃中腸唐孟才人歌河滿子
畢武宗命醫候之脈
尚溫而腸已絕矣

又背

意遠態濃珠壓腰極冰肌最勻盼新月堂前殷勤匍伏秋千
架上推遞逡巡見客遙來和羞却走翩若驚鴻望未真踏青

去惹春游年少目送香塵催歸潛理紈巾怕汗浹輕容拭
更頻憶閒中指爪癢須爬慣宵分姊妹擁便情親每到嗔時
拋郎半枕難齧猩紅一點脣堪憎甚縱千呼萬喚未肯迴身
杜甫詩背後何所有
珠壓腰袂穩稱身

又膝

纖骨亭亭窮袴輕籠長裾半懸訝流黃織慣頻掀綜底小車
容却每觸簾邊手抱無聊心慵易軟拜起須扶態更妍留仙
皺見勝常道罷小立依然試令蹈節歌筵翹一足長同沙
鷺拳把春衣卸盡有時蔽錦寒衾架處恨未添絲醉裏便姍
嬌時嬾密隨意天斜坐數錢教郎坐放阿侯學步俯視齊肩

曹植靜思賦行嬾密而妍詳
古樂府十七生兒字阿侯

雙雙燕別淚

問銀海水有多少層波斂愁飄怨含辛欲墮轉自把人凝盼
露向長亭早晚定減了輕塵一半安排玉箸離筵伴我樽前
腸斷偷看夜來枕畔傍鏡影初乾袖痕重按心心心上總
是別情難慣縱遺絲垂縷綰穿不起南珠盈串裁得幾幅榴
裙點點行行都滿

笛家

題趙子固畫水墨水仙

亡國春風故宮鉛水空餘芳草冷花開徧江南岸王孫老矣
文采風流墨池筆堦淚痕都染帝子含顰洛靈微步宛在中
洲半悵騷人未經佩徒藝楚英九畹繚亂一叢寒碧生煙
疎雨隨意敲斜鵝絹蟬紗寄情悽惋尚想白石蘭亭遺事逸
興千秋如見豈似吳興君家承旨蕃馬風塵滿縱自署水晶
宮怕有鷗波難浣

金縷曲

水仙花禁用湘妃漢女洛神事

小草先春令問誰移香本南園罷栽幽徑定武紅瓷看最好
銀蒜十囊齊迸簇薤葉萱芽相並幾點青螺攢秀石護冰苔
一片涼沙淨喚仙子踏明鏡詩家比喻閒重省未輸他簪
弟梅兄暗香疎影風露人間渾不到晴日紙牕留映襯幾
畫屏斜整豔紫天紅昏夢裏料更番花信催難醒孤芳在伴
清冷

又前題

霽雪明吟院愛青青秀葉低排獨呈花面玉潤金寒爭憐惜
肯放風簾高捲把十二屏山遮斷不信江南芳草渡傍蓬根
艾底尋常見魚天暝鷺翹偏仙姿豈上閒釵釧便兜娘要
插蘭雲未容輕翦縱被春纖偷掐了折送膽餅猶戀怕零落

國香誰管憑仗王孫鉤水墨恣疎疎密密勻深淺須一幅好
東絹

又前題

何處無香草戀晴牕靈苗抽並粉蕤開早夢想西湖歸未遂
日日緇塵烏帽對冷豔娉娉孌孌料得芳心應笑我把風前
黃藕冠敲倒簪碧玉袂阿鵲萬花只向春陽鬧惹多情游
絲牽住曳鈴催老便是秋林攢幾簇也有蝶銜蜂抱誰似此
幽芬繚繞繡入羅裙嫌太淡配山茶一捻紅尤好還又怕被
花惱

又前題

物候開春籥驗芳根頽簷曝後畫盆移却稚葉青回纔幾日
又吐小蓮冰萼勝翠袖香藏珠絡雪虐風饕都過了倚南牕

晴景還如昨，雖遲暮未寂寞。惜花不用圍簾幙，任筵前山
薌舞罷幾曾吹落。靜色孤光，誰結伴除是早梅江閣。比多少
汀蘅洲葑，楚澤行吟憔悴矣。料遺忘偶爾騷人，錯留共我歲
寒約。

滿江紅

西湖荷花

郭外垂楊直映到水仙祠，屋愛十里花明鏡面。岸沉沙腹幾
陣涼颼，翻葉白連盤驟雨跳珠綠。是誰儂一道撥青蘋波紋
蹙。紅衣褪開還續碧筒卷擎相促，繞菱根荇帶冷香飛逐。
偏是風前蝴蝶住，但無人處鴛鴦浴。擘生綃悔不學丹青描
橫幅。

綺羅香

康熙丁丑六月
以紀異

舍南池上紅蓮作並頭花賦

蕙草連葩，蘭英並蒂，慣在貧家盆甕。

年時蕙作同心花
今夏又開並蒂

誰料

今番雙頭水芝看涌交卮勸金叵羅深畫軸展玉丫叉重笑
莊窩半畝平池翻羸三十六陂種谿亭容我小住那費桃
根桃葉隔江迎送臥穩風前一任冷香吹夢愁遮了葉底難
扶描不到花心齊動除非喚薛夜來過繡成鍼七孔

又前題

楊柳陰中菰蒲雨外一柄犀株通體並著花房宛似仙娥雙
鬢算只有蜀苴同心祇認得嶧桐連理又爭如水珮風裳嫵
然交影鏡香裏約開渚蘋汀蓼恣與纖鱗隊隊開紅游戲
第一輕舟莫放采香人樣渾不管翠蝶衣翻生怕是綠雲風
起問沙面頭白鴛鴦舊來曾見幾

題竹垞並頭蓮詞後

平湖

沈岸登

覃九

紅玉雙擎漢甃杯溫風別費剪刀裁定知茅屋詞人在故

向亭陰作意開

朋牋雙調綺羅香比似蘆洲遂譜強有約重過聽按曲開
紅一舸話斜陽

水龍吟

白蓮

綠雲十里吹香輕紈翦出機中素銀塘一曲亭亭何限露盤
冰柱玉腕徐來青泥不動乍鳴柔櫓任沙鷗撲鹿雙飛不見
又何況雙棲鷺好手畫師難遇倩崔吳鼠鬚描取翠衿小
鳥黃衣穉蝶添成花譜雲母屏風水晶簾額冷光交處爲秋
容太淡嫣然開到小紅橋路

宣和畫譜崔白有白蓮雙
鵝圖吳元瑜有白蓮塘圖

臨江仙引

枯荷

三十六陂遠半竿日澹一面風敲畫橋靜采菱船也都歸幽
期記紅袖滿碧筒勸舊侶全稀空留得伴愁人永夜聽雨柴

扉江妃亭亭翠蓋水珮零落無遺剩寒蘆折葦相映苔磯
淒其看晨颺裏鴛鴦凍住了還飛漁翁笑且香包冷飯鍼補
秋衣

又詠茄

隴上紫瓜好黛痕濃抹露實低懸趁朝日畦丁密灑冰泉桑
邊看長蒂翦累累紵葉底光圓筠籃滿餉白牛蕭寺赤馬吳
船筵前生疎蜀客犀箸催下茫然笑千龐萬粟許配芳鮮
嬋娟愛輕繡染香衫色比似花妍閒無事寫家蔬添个小蝶
新蟬芝田錄煬帝改茄子爲崑崙紫瓜張文潛詩映葉乳茄濃黛抹黃山谷
銀茄詩珍蔬長蒂色勝銀又蜀人生疎不下箸又中有萬粟嚼輕冰鄭
安晚詩光圓頭腦作僧看張浮休茄
子頌頭附于龐徐無有蟬蝶茄菜圖

惜紅衣
詠薑

插架葵邊分畦蔗後日光穿漏看倚鴉鉏冰泉淺沙溜香苗

暗斲正社燕歸飛時候湖口紅掌白芽愛連船來又 厨娘
纖手輕辟柔尖聽鳴小茶臼尊絲翠冷鹽豉配能否一樣蟹
胥魚鱠味勝蜜橙霜韭問凍糟酣未思勸故人新酒

同作

嘉善 魏 坤 禹平

瓜堰分區蔗田接岸一塍香滿障影疎疎筠簾織來短新
芽茁後聽竹外乳鳩低喚畦畔紅到柔尖割霜根纔半
腥風剪斷縷鱸糝羹香橙也同薦寒糟配入芳氣襲冰盃
悵自故人難致客裏暗銷吟管想舍南幾稜雨浥病花秋
晚

摸魚子 蓴

記湘湖舊曾游處鴨頭新漲初醅越娃短艇烏篷小鏡裏千
絲縈髮柔櫓撥絆荇帶荷錢一樣青難割波餘影未愛乍招

春纖盛盆宛似戢戢小魚活

西泠水濯取凝脂齊脫白銀

釵股同滑蜀薑楚鼓調應好不數韭芽如蕨煙渚闊任吹老
西風若个扁舟發鄉心未遏想別後三潭龜鬚雉紉冷浸幾

秋月

本草春莖而未葉者名雉萼
九十月漸麕在泥中名龜萼

迷仙引

水蓼花

斷續寒汀容與芳洲斜倚高岸移近山茨綠葵定得相伴愛
冷紅開簇簇映采香人面有一種名字水禽偏好飛來無限
垂釣休教絆過雨尤堪翫蘋葉蘋花鷗莎占取長一半試
寫入千絲東絹勝寂寥幾點敗荷雪鴈

滿江紅

塞上詠葦

絕塞淒清又誰把秋聲留住斜陽外寒沙搖漾亂山無主瑟
瑟乍驚心欲碎茫茫不管愁如許伴西牕燈火坐黃昏蕭蕭

語催一陣茅檐雨攪一片霜林杵爲伊想偏了別離情緒
酒渴二更人散後月明千里鴻飛處夢滄江添个釣魚船風
吹去

醉春風

荼蘼

笑日紅偏嫩不雨青常潤卷簾一架小庭濃認認認小摘休
前黃鬢綠刺最撩人鬢轉眼殘春盡生怕繁英褪一年花
事此關心僅僅穀雨晴時牡丹開後這番風信

侍香金童

茉莉

暑雨初過密葉傳香遠忍纔露芳心先掐看攏髻鬆鬆簪一
點便到黃昏卸時猶戀怎得知午日珠江江上燕把牆角
籬根齊翦結取畫船屏四面更有人兒兩鬟都滿

疎影

芭蕉

是誰種汝把綠天一片檐牙遮住欲折翻連乍卷還抽有得
愁心如許秋來慣與羈人伴惹多少冷風淒雨那更堪一點
疎燈繞砌暗蟲交訴待把蛛絲拭却試今朝留與個人題
句小院誰來依舊黃昏明月暫飛還去羅衾夢斷三更後又
一葉一聲低語拚今番盡翦秋陰移種櫻桃花樹

臺城路

芋

瓜田幾稜

去聲

區分後青青近依禾黍趣織聲邊牽牛花外慣

滴籬根清露捎溝倚渚伴錦里先生小園秋暮野色柴門夕
陽攜客斷畦語圓荷滿陂勻翠晚來風葉響一樣疎雨白
踏泥中紫收霜後便好開筵場圃然糠煨處聽昵昵空村夜
闌兒女深盃模糊曉光聞櫟釜

柳梢青

西瓜

乞種邊庭極知風味勝似東陵虎掌黃斑瓠犀黑白蒲鴿葱
青焦煙赤日人行盼岸柳陰陰短亭蘚井寒漿蘆簾曲几
閒拂秋蠅

天香

寫生冬瓜

宿點危東田移硯北墨池秋蒂新翦仙棗輸長土酥比淨隨
意敲眠籬院寒泉溜處慣枕住沙痕一綫蒲鴿筐中乍卸蝸
牛雨餘留篆小童抱時應顫壓冰厨短檐茅店問客齋期
好配紫茄紅莧爐頭更見熬成餌伴七夕鍼樓果同薦轉憶
鄉園疎蕪舊堰

天文志瓜匏四星在危東未部有冬瓜堰

一翦梅

盆梅聯句

定武瓷燒幾稜紅細斛香泥淺植春叢魏坤衝寒載入小車
中三尺苔枝一翦霜風彞尊盡坼梭毛裂紙筒影漸橫斜

態轉玲瓏坤花邊鄉夢兩人同放鶴洲南聽雪亭東彝尊

醉花間

題金曉珠水墨芙蓉

湘江水澧江水木末同姿媚露下冷花繁風裏柔枝脆玉
臺勻染地意匠應憔悴硯滴井華新墨吮香脣醉

於中好

題蔡女羅疎篁寒雀圖

疎篁幾葉搖晴翠淺暈出斷霞魚尾恁時寒色空閨裏偶憶
得瀟湘水更添凍雀黃昏睡問同夢梅花開未一枝已遂
雙栖計任雪壓風扶起

好事近

題馬湘蘭畫蘭

一十二叢蘭意態看成千百淨洗陳丹暗粉露天然真色
紅粧季布舊聞名畫也動憐惜試易管夫人款有阿誰知得

清平樂

題水墨南瓜

牽絲引蔓野外無人管纔見草簷花一半又早青黃堆滿
今年穀貴民飢村村剥盡榆皮合付田翁一飽全家婦子嘻
嘻

點絳脣

敬業堂早桂

金粟香濃一叢開徧園樹小山題句不用傷遲暮 大火
初流露脚飛寒兔方花礎搗來仙杵合配糖霜譜

曝書亭集卷第二十八

曝書亭集卷第二十九

秀水 朱彝尊 錫鬯

詞六

茶煙閣體物集下

一枝春

梅

竹外橫斜一枝春最近曉寒牕戶翠禽軟語喚起石闌題句
東風舊日曾飛上那人睂嫵幾閒却翦綵心情覓到小園深
處 前村酒旗低舞試閒攜画檻重修簫譜梨雲淺駐未信
夢魂無據玉鱗殘月襯香雪馬蹄歸路乘餘興更上吳船虎
山橋去

疎影

黃梅花

橫斜滿院見蜂鬚亂疊鶯羽新翦冷綴苔枝疎影羅羅休令

崔豹窺見天教漏泄春光早把多少芳心輕展最愁他金屋
香寒長是曉風吹面折向妝臺看取對將明鏡裏鵝額深
淺澹月微籠椒壁初昏留映謝娘詩卷難禁一曲山香舞膩
蠟淚銅盤千點記夢中人在羅浮杏子單衫煙染

東風第一枝

杏花

渡柳初眠官梅已褪又看春色如許水村山郭殘陽立馬亂
紅無數仙人此住也憐取滿林香霧酒旗風搖曳黃昏開徧
冷煙疎雨休忘了曲江歸路試說與冶游伴侶最愁零落
芹泥半教燕飛啄去賣花聲遠料深巷明朝何處倩个儂曉
日新妝插向鬢雲斜吐

紅娘子

緋桃

露井繁英積香逕游絲織宿雨猶含煖波頻漾短牆愁隔記

少年尋到赤闌橋得仙源消息 最恨東風急飄上春泥濕
易掩重門難逢人面斷腸空憶便浣花牋紙染輕紅也無他
顏色

殢人嬌

垂絲海棠

蠟蒂何長紅絲齊綰算風信梨花尚晚一番雨過一番春暖
似卯酒人慵鬢釵橫亂 日炙逾明鶯銜不斷伴蝴蝶深枝
眠慣須燒銀燭更浮金盞任桃李漫山有誰人看

綺羅香

玉蘭

紅木棉苞紫辛夷襍詎勝縞衣霜袂雪不封條但向花房凝
綴露一簇碧牡丹芽少幾點翠梧桐子笑依然玉樹陳宮臘
脂肯浣井中水 佳辰纔過上巳說與采蘭人道休尋湊泊
第一瑤臺月姊交光相對便著雨轉覺瓏鬆慣臨風未應慙

悴似搓酥滴粉張濃喚來深院裏

張濃宋南渡初甲伎左譽贈之詞有滴粉搓酥句

搗練子

再過瞻園值玉蘭花放同蘅圖耕客賦

高曝粉淺窪銀瓏幾樹淨無塵勝屏風點染新 一別此

五經春綺羅香憶按歌頻笑依然舊酒人

玉樓春

繡毬

玉毬繡出今番早蝶翅蠡鬚迭迴抱一年一度雪成團半雨
半晴春未老 者田上樹青猿報合配鞞紅香入腦枝頭能
得幾人憐落地始知花亦好

洞仙歌

合昏

翠陰如幄綴青囊無數曾記開時未重午伴荷風榴火結實
千房蠲忿處猶自朝朝暮暮

合昏花開最久吳俗謂之百日紅

滿庭香不散

持比吳絲翦破同功繭千縷愛微風敲側淡月惺忪酒初醒

夜深微雨便晨光
朦朧小牕晴
試護取同心不教輕吐

減蘭

夾竹桃聯句

石闌干曲試問是桃還是竹
華尊鳳子來時捧土移根定武
瓷魏坤
崔徐花朵布葉終須文與可
華尊吹徧溫風長伴
樽前一簇紅坤

東風第一枝

白楊梅

鴛鳥歌殘萼絲擷罷冰廚夏果須薦
卑枝壓地無塵繁陰滿
園如織涼柯新翦早水市筠籠傳徧
問隔江誰送輕帆鶴頂
半山翻賤
便流齒瓠犀詎軟便入手
葱根不染任教肌粟
長生愁他翠盤頻轉
玉容銷暑最憶是湘湖南畔
怕餐來晚
飯都忘莫被柁樓人見

明月櫂孤舟

枇杷

幾陣疎疎梅子雨也催得嫩黃如許笑逐金丸看攜素手猶帶曉來纖露寒葉青青香樹樹記東谿舊曾游處日影堂

陰雪晴花下長見那人窺戶

謝瞻枇杷賦成炎果平纖露白居易詩況對東谿野枇杷謝靈運七濟云朝食既畢

摘果堂陰春惟枇杷夏則林擒楊巨源詩枇杷花下閉門居

蓮陂塘

曹侍郎席上食攜李同右吉融谷賦

錦淙鳴行廚竹裏玉盤寒水初注未須雪藕黃瓜伴早釋人間煩暑名最古記轍迹東西魯叟曾書汝吳洲越渚傍折戟沙邊芳根蟠後幾濕戰場雨房陵種三十六園佳樹也愁聲價輸與西施過此曾潛掐一縷纖痕留取小摘許慎莫被來禽偷眼銜將去薰風且住漫染就輕黃青青攜付乞巧小

兒女

錦淙侍郎倦圃名李每顯留爪痕傳是西子曾掐

洞仙歌

橄欖

南枝青子架唐梯難剪試灑紅鹽褪都徧笑燕姬就酒歷口
漿酸眉峰聚又早芳津頻嚙河豚春正美荻筍萋蒿和就
香羹儘人勸更憶夜闌時配取茗柯消殘醉滿傾壇蓋看懷
核兒童真嬌癡愛插向蘭膏燭花齊颭酉陽雜俎獨根樹東向枝曰木威南向枝曰橄欖嶺表錄云紛紛青子落紅鹽王元之詩北人將就酒食之先嚼者皮核古且澀歷口復素遺白樂天詩漿酸橄欖新嘉靖離壇杯中有茶字

五綵結同心 荔子

繁星著樹綠葉垂枝撲帳火雲朝熱錦鳥餐難盡定銜到十
二層城調舌是誰賭取羅囊紫看一騎飛塵相接晶盤瑩嫩
紅輕擘纖指忽噤寒徹炎天亂堆香雪且莫從卯酒乍醒
人說光研吳綃薄瀟湘水風皺半痕裙褶冰肌綽約看誰似
庶夢裏瑤妃無別記少年翠帷髣髴一點甘脣初齧

暗香

紅豆

凝珠吹黍似早梅乍萼新桐初乳莫是珊瑚零落敲殘石家
樹記得南中舊事金齒屐小鬟蠻女向兩岸樹底盈盈擡素
手摘新雨 延佇碧雲暮休逗入茜裙欲尋無處唱歌歸去
先向綠牕飼鸚鵡惆悵檀郎路遠待寄與相思猶阻燭影下
開玉合背人暗數

滿庭芳

佛手柑和嚴蓀友

青豆開房白牛露地春浮一樣根蟠風簾乍卷芳氣訝燒蘭
不比金仙十二承珠露倒瀉銅盤雙林底知他鹿女幾度踏
花看 園官傳送處烏皮旋設兔殘初安勝甘蕉乳臭橄欖
漿酸攜到六街三市津梁倦彈指霜寒鏤酥片餘香未減分
配小龍團

霜葉飛 詠柑同魏禹平作

昔游曾記泥山路青林纔二三里枝頭行蟻拂還來正十分
黃膩須不似甜桃醋李樽前別有閒風味見翠竹擎籃惹重
露新霜指爪都著香氣 回憶上日春盤羅帕輕裹个个鎔
蠟封蒂歸時笑遺細君看剔殘燈紅蕊枉想像金坡舊事歲
星今謫人間世判洞庭全家去偏插牆陰恣攜懷裏韓彥直
橘錄溫
州四邑俱種柑而出泥山者推第一山如覆金其傍地延袤只二三里許出此則
香味未遠不逮嵇含南方草木狀壺柑窠如薄絮蟻在其中并窠而賣柑樹無蟻
則其實爲蠹所傷黃山谷詠柑詩香著樽前指爪間隋書文帝好食柑蜀
中摘黃柑即以蠟封其蒂獻之蘇詩歸來一點殘燈在猶有傳柑遺細君

秦樓月 金豆

橘田秋吳儂摘處霜花浮霜花浮玉盤的歷偏惹閒愁 酒
闌燭暗羅衾幃手香夜半潛相投潛相投十年舊事忽到心
頭

減蘭

柳

朱纈幾樹愛惜芳根移細雨鵲殼重紋作意秋涼已十分
一年好景玉白金齋長記省有底酸漿搗處真憐透甲香

玉樓春

柳

柔條曾記春前種乍起三眠妍手弄煙初晷歷態真濃絮未
顛狂絲尚重依依別緒長亭共舊雨殘陽空目送一灣流
水小紅橋留與斷腸人作去聲夢

減蘭

楊花

楊花無緒不管人愁高下舞筆架書籤繞拓牕紗處處黏
東風語汝吹入謝家池閣去詠絮人閒憑仗東風忽自前

疎影

秋柳和李十九韻

西風馬首有哀蟬幾樹高下聲驟村外煙消水際沙寒斜陽

似戀亭埃絲絲縷縷紛堪數更髣髴葉初開候待月中疎影
東西思共故人攜手 搖落江潭萬里繫船酒醒夜長笛京
口讀曲歌殘曉露翻鴉蕭瑟白門非舊赤闌橋畔流雲遠遮
不住短牆疎牖話六朝遺事淒涼張緒近來消瘦

原作

李良年

旗亭隴首正新霜乍點斜日風驟一片秋聲幾樹蕭疎驚
心十里津埃行人欲折還教住爲記得別離時候灑渭城
朝雨如煙曾向畫橋分手 何處無情玉笛忍教一夜裏
吹墮江口繫馬無人認取寒枝惟有晚鴉依舊相思最是
鴛鴦渡應漸冷碧紗牕牖縱待得來歲春還只恐那人腰
瘦

臨江仙

寒柳

綰得舊時離恨否風前一樣絲絲送人折盡夕陽時昏鴉餘
幾點莫認早鶯兒憔悴倡條渾不是菱花記取雙眉秋聲
誰與寄相思章臺疎影在只剩兩三枝

瀟瀟雨

落葉

秋林紅未足怪酸風一片舞遙堤任高高下下蕭蕭撼撼策
策悽悽岸背籬根壓偏驚斷草蟲啼只有蒼涼月來照鴉棲
却似游蹤不定謂當南反北旋又東西縱吟邊倚杖樽酒
正堪攜然茶鎗故人來否怕空山舊徑一時迷颼颼響悵無
眠夜聽到荒雞

玉女搖仙珮

白鵬

桄榔葉暗茉莉叢深舊是雙雙栖處玉羽初迴風毛誰鍛百
徧對人猶怖悶把芳時度總無言不比聰明鸚鵡待移伴庭

前孔雀還怕金花翠尾須妒丹青頗難描黑白分明千絲萬
縷曾記謝家賦雪皓鶴爭鮮點綴瑤階瓊樹十二畫欄紅
妝相見定自愁添着嫵有得春多許也空掩風雨重重朱戶
況遠客頻年嶺外秋來見月驀然回顧歸期誤今番索遣開
籠去

八寶妝

舞孔雀

庭暗娑羅山明躑躅正值好春時候不用紅樓三十級合在
迴廊疎牖朝來彈指阿誰妒殺芳心綠蕤響處開難驟絕勝
織成步障編他銅鈿看場壓倒牕櫺一迴舞旋更教人立
屏後數項翠尾花如縷怎染出輕紈圖繡除非是邊鸞好手
郁伊聲裏低丹味問飫眼蠻奴莫銷殘碧暗金否

孔雀舞將罷以味著地鳴

花犯

鷺鷥

曲池塘天教付與雙棲夜深並綠蒲分映任夢裏隨波煙外
交頸圓沙一片斜陽冷多應睡未醒看足了浣衣人去蜻蜓
移釣艇采蓮渡頭最愁他清歌纔起處驚飛難定齊浴罷
花潭下翠牽紅凝休緣却竹弓射鴨還自去空江千萬頃正
好伴水亭風檻低垂羅袖影

臺城路

鷺鷥絲鳥

謝池最愛鮮禽好當年惠連曾賦紫葍絲邊水蒨花外長見
伊窺魚住乍翻淺渚訝拍拍隨波欲低還舉占得圓沙慣拳
一足久延佇采蓮舟漸近也笑紅裙按楫不教驚去荻岸
偏明蘋風慣浴涼月氤氳縣羽曲江人渡指隱約秋潮望中
生處纔挂魚罾又飛來別浦

月華清

王阮亭侍讀書齋詠山鷓侍讀詞有妾是桐花郎是桐花鳳之句故六七及之

白頰梳頭繡纓竹外輸他縣羽娟秀何處飛來料自苑桃宮
柳縱不比么鳳桐花合賺得新詞消受紅豆拚分了鸚哥任
伊閒咒 相見海棠初綻早落盡芙蓉雪梅香逗移入重簾
伴取玉蜍金獸記點染窠石春林費多少巧心妍手描就試
開籠放爾戲媛能否

宣和畫譜黃居寀有海棠山鷓圖丘餘慶有芙蓉山鷓圖吳元瑜有雪梅山鷓圖易元吉有窠石山鷓圖崔慤有戲媛山鷓圖

江城子

黃雀

江鄉風物客中論
傍籬根啓柴門
翦翦西風紅稻倚斜曛
長記張羅秋九月
南馬曠北陶村
充庖俊味我思存
坐黃昏
引清樽
持比香橙蒸栗色
難分凝想流匙真个滑
全不數鴨餛飩

琵琶仙

秋日桑乾河上見雙白燕詠之

遠渚秋光乍疑是兩岸蘆花如霰剛得軟語輕迴差池轉堪
戀思一縷紅絲繫住怕飛入掌中難見明月樓臺梨花院落
曾否尋偏 問何事沙際飄零惹西去潘郎鬢都變爭向水
晶簾外對曉風初卷看畫閣銀釵幾許留伴他傅粉人面借
取玉女縫衣一雙又并翦

東坡引

鷓鴣

洄沿潭裏浴波圓明鏡蹴濃花淡柳西湖曲臨流看不足
晴沙遠映淺水撲鹿鎮日夜鳴相續采蓮人去菰蒲綠一雙
飛又宿一雙飛又宿

長亭怨慢

鴈

結多少悲秋儔侶特地年年北風吹度紫塞門孤金河月冷

恨誰訴迴汀枉渚也只戀江南佳隨意落平沙巧排作參差
筇柱別浦慣驚移莫定應怯敗荷疎雨一繩雲杪看字字
懸鉞垂露漸敲斜無力低飄正目送碧羅天暮寫不了相思
又蘸涼波飛去

滿庭芳

鷺

染柳分黃飛霏較素持比溪絹尤妍白毛紅掌羣汎撥輕漣
只合呼他舒鴈無端是引頸嗔船菡香下半醒半睡側眼小
如錢江天農務了柴荆開處頻數村前任殘陽曲岸水偃
沙眠客至還堪對酒閒時節換取籠邊兒童問山陰舊事說
與永和年

五代趙才以畫鷺得名有菡香
下睡鷺圖錢之輕者曰鷺眠

邁陂塘

鷺

任方塘羣游孤泛愛他不染泥滓避人纔見驚飛去又早紛

紛低墜堪妒是曾消受夜深每並鴛鴦翅竹弓漫試對黑白
分明欄邊鬪罷芳草一茸翠揚瀾好兩槳吳船小菡采蓮
人弄煙水晚來笑把紅裙裏觸損冷花濃蕊歸也未正一色
秋江濫濫波千里移來簾底鑄就小鑪熏屏帷深處長傍繡
衾睡

水龍吟

觀洗象作

涼波曉色城西路趁著熱風猶未引來舞隊依稀晉日黃門
鼓吹垂鼻鱗困旋渦遠近欲沉還起看雲旗搖處更番催去
偏會得蠻奴意夾岸人家此際步踟躕紫駟難繫疎簾隱
隱輕容小袖笑聲齊指赤日徐高黃塵又徧鈿車流水剩白
頭宮監相攜柳下說前朝事

掃花遊

駱駝

白龍堆遠傍獨樹煙平草痕如翦臥沙最淺慣齧罷戎鹽紫
髯都斂拂起鞭梢娖隊安行愈緩夕陽晚料穩坐上頭人意
先倦江國知少見指背錦模糊柳陰高岸側峰半偃笑零
丁帖子戴家傳遍記取形模小玉羊脂新碾筆牀畔鎮紅箋
不教風展

漢戴良失父零丁曰食不能
嚼左右簞似西域駱駝

木蘭花慢

孫懋叔以山獐見貽賦謝

孫郎真愛客分異味到寒庖尚髣髴童時鹿邊曾見照影驚
跑弓鞘餓鴟叫處想風生耳後落飛鶻誰向原頭飲血一鞭
歸騎橫梢毛炮嫩滴瓷罌漿乍洗析成肴任滿薦辛盤椒
花頌罷荷葉堪包西郊雪晴人日擬重尋退谷半山坳笑擘
春前紅脯醉吟小閣松梢

雪獅兒

錢葆鈞舍人書詠貓詞索和賦得三首

吳鹽幾兩聘取狸奴浴蠶時候錦帶無痕擲絮堆縣生就詩
人黃九也不惜買魚穿柳偏愛住戎葵石畔牡丹花後 午
夢初迴晴晝斂雙睛乍豎困眠還又驚起藤整子母相持良
久鸚哥來否惹幾度春閨停繡重簾逗便請爐邊叉手吳俗以鹽易貓
故陸務觀詩有裹鹽迎得小狸奴之句錦帶貓名見妝樓志黃庭堅乞貓詩聞道狸奴將數子買魚穿柳聘街蟬李璣送貓詩街蟬毛色白勝酥掬絮堆縣亦不如又家家入雪白於霜更有敲鞍似關裝便請爐邊叉手坐從教鼠子自跳梁何尊師有戎葵太湖石貓圖趙昌黃荃徐熙崔白俱有牡丹戲貓圖易元吉有藤整戲貓圖又子母貓圖

唐宋畫家多有之

又 前題

勝酥入雪誰向人前不仁呼汝永日重階恒把子來潛數癡
兒騃女且莫漫綵絲牽住一任却食魚捕雀顧蜂窺鼠 百
尺紅牆能度問檀郎謝媛春眠何處金縷鞦邊慣是雙瞳偏
注玉人迴步須聽取殷勤分付空房暮但喚銜蟬休誤閨朝隱鸚

鵲貓兒篇序云貓不仁獸也路德延孩兒詩貓子絲絲牽黃荃
有食魚捕雀二圖郭乾祐有顧蠡貓圖盧廷讓詩餓貓窺鼠穴

又前題

磨牙澤吻似虎分形眼黃須辨炎景方長試驗鼻端冷煖
香叢暗撲不住螻蛄一點更尋向籬根紫芥石稜紅莧醉
了荔荷頻顫訝搔頭過耳水痕初浣消息郎歸休把玉鞭敲
斷平陵傳徧問齧鏤金錢誰綰風吹轉蛺蝶驚飛凌亂
何尊師謂貓似虎獨有耳大眼黃不相同其畫澤吻磨牙無不曲盡酉陽雜俎貓鼻端長冷惟夏至一日
煖豚昌祐有齒香戲貓圖黃荃有螻蛄戲貓圖吳元瑜有紫芥戲貓圖何尊師有莧菜
戲貓圖俱見宣和畫譜米芾面史云黃荃狸貓顫荔荷甚工酉陽雜俎云貓洗面過耳
則客至陸游老學菴筆記馬鞭擊貓節節斷折又酉陽雜俎云平陵城古譚國也城中
有一貓長帶金鏤有錢飛若蛺蝶

原作

錢芳標

花氍臥醒又閒趁十二欄邊一雙蝶舞繡倦空閨幾徧春
纖親撫奔騰玉距亂蠅拂紅絲千縷試驗取雙瞳似線庭

陰日午 好是蠶時早乳問當年果否共調鸚鵡八蜡迎

來何處遠村巫鼓雲圖錦帶漫漫搗得張家遺譜燈明處合

對金猊小炷

張泌妝樓記云張搏好貓有雲圖錦帶諸名價值數金

催雪

席上賦黃鼠

倦擁癡牀寒禦百蓄多事拱人嬖屑惹花豹騰山地猴臨穴
五技頓窮就掩趁快馬攜歸捎殘雪封肝驗膽油蒸糝附寸
膏凝結 鏤切俊味別耐伴醉夜闌引杯稠疊更何用晶鹽
玉盤陳設一種低徊舊事想獨客三雲愁時節喚小伎並坐
教嘗聽唱塞垣風月

黃鼠產雲中劉績霏雪錄黃鼠穴處各有配匹人掘其穴見其中作小土窖若牀榻之狀則北牡

所居之處也秋時蓄黍菽及草木之實以禦冬天氣晴和時出坐穴口見人則拱前腋如揖狀即竄入穴惟畏地猴地猴形極小縱入其穴則喙曳而出之味極肥美元時曾爲玉食之獻置官守其處人不得擅取也酉陽雜俎鼠膽在肝活取則有梁韋琳鮪表以臣爲糝熬將軍油蒸校尉花豹鷹之小者專捕黃鼠

臺城路

蟬

苓根化就初無力，溫風便聞淒調藕。葉侵塘槐花糝徑，吟得井梧秋到一枝潛。抱任吹過鄰牆餘音猶嫋嫋，地驚飛金梭爲避栗留小。長堤翠陰十里冠，縷都不見只喚遮了斷柳亭邊空山雨。後愁裏幾番斜照昏黃暫，悄讓弔月啼蛩號寒迷鳥飲露方殘。曉涼嘶恁早。

稽聖賦苓根爲蟬援神契蟬無力故不食遮了蟬聲

又前題

蛻餘不作游仙夢，炎天愛浮涼吹抱柳眠。慵棲槐影合隨分，小園堪寄綠陰滿地慣。獨自悠颺一絲風裏咽，住殘聲哀吟又聽別枝起。柴門亂喧雨後濕雲斜照落霞斷，魚尾南陌離亭西風故國多少愁人盈耳。兒童此際習蛛網檐牙筠竿樹底爲恁驚飛絃桐移素指。

前題

華亭
高層雲 二 鮑

枕屏曉殢行雲夢却還被伊催斷苦調才終悽吟還續遞
寫幾番幽怨柳塘聽倦愛竹院新涼數聲差緩曲奏迴風
蕭蕭落葉玉階滿愁聞最是旅客對前村幾樹頽照敲
岸響咽尤悲音長漸澀引起離情無限當年蜀棧和嶺畔
啼鶻鄉心曾亂一片秋容淡雲凝望遠

前題

李良年

滿堦榆莢過牆竹日長初埽三徑鳩婦呼殘燕雛飛後不
許草堂人靜隔林遙聽恰吟侶參差綠陰遮定長記拋書
聲聲如在最高嶺柴關應誤來客亂喧晴葉底剝啄難
省葵扇慵揮桃笙乍展午夢幾番催醒井梧秋冷漸移近
朱闌有人閒凭一笑回身鏡中看鬢影

綺羅香

和宋牧仲別加馬詠瑩

挾火難溫侵星易墜留拂井梧檐樹傍牖依闌暗裏慣窺人
住渾不辨鬢霧殘妝又何況韞塵纖步際新涼團扇初閒輕
羅撲付小兒女 葳蕤深鎖院靜攜照相思錦字練囊縫取
憑仗微風方便更教飛去逗屋角蛛網圓絲避葉心豆花斜
雨恣意向月黑池塘夜闌高下舞

花心動

蜻蜓

舞拂波光齊上下早是薰風池館蟬翼還輕薑尾偏長記取
狐梨曾喚釣絲愛向人前立見幾度欲飛猶緩花陰小伯勞
穿過也能偷眼 點水移時款款乍紅裊菱枝翠停荷管卷
幔涼多傍檻晚晴影纖夕陽莎岸有時忽上玉搔頭全不怕
佳人羅扇纖羽響一翦鬢雲撩亂

南鄉子

登

涼月澹影疎疎豆葉新黃架未除好似綠車鳴不住來又去
秋燈慣伴愁人語

玉人歌

杭州玉泉寺池中五色魚凡千頭內一種翠藍者最可愛賦之

輕漣白愛一種嫩隅暈藍拖碧練塘風煥蒼玉恣拋擲丹砂
泉淺游朱鬣受盡人憐惜又爭如雨過天青者般顏色 豪

上未歸客投香飯青精日斜與食蓮葉東西何事便深匿翠

鱗六六空搖尾嬾遞閒消息但年年映取柳陰千尺

後周時請
宏元器式世

宗批其狀曰雨過天青雲
破處者般顏色作將來

探春慢

河豚

曉日孤帆腥風一翦販鮮江市船小條徧寒泉烹來深院不
許纖塵舞到聽說西施乳惹賓坐垂涎多少阿誰犀箸翻停
莫是生年逢卯 閒把食經品第量雀鮓蟹胥輸與風調荻

筍將芽萼萼未葉此際故園真好鬪鴨闌邊路猛記憶溪頭
春早竹外桃花三枝兩枝開了

桂枝香

蟹

新霜晚渡見燃葦鴻天落潮魚步盡掩青筐縛急腥涎齊吐
津門水市無人問聽軋軋小車鳴路攜來九陌不知還有酒
徒閒否又何況鄉園秋暮任空江築舍斷沙名浦酥片金
穰那管玉纖黏住橙陰菊外登高宴捉鮑陽甕邊儔侶年年
長擘燭斜畫舫水涼朱戶

畢卓
陽人

又前題

緯蕭截水見半漾湖波半撐湖背此際菱歌漸少滿塍香穗
漁師菰飯新炊後任敲斜櫂頭船樣爬沙響處連江露白一
燈紅細便八跪雙螯都利被寒蒲束縛以行無計試放閒

塘蓼岸描成秋意須愁解甲隨潮去添瘦葦一枝扶起履霜
聽徧聲聲宛似玉琴絲裏

徐熙有蓼塘蟹圖傳肱蟹錄履霜操有蟹行聲黃庭堅詩寒蒲束縛十六輩

前題

平湖沈暉日融谷

菱塘風老正亂葦蕭蕭采香船少露白星疎草舍煙青燈
小溪邊月黑初肥候濕筠籠一天霜曉寒蒲縛就漁童未
去酒人先到看秫釀新篘熟早向松火山厨蜀薑親擣
狼籍杯盤那計悲秋懷抱天津趙北東西路也盈車軟塵
吹道沉吟鄉味汾湖一曲不如歸好

雙灘鵜纖蛤

俊味鹽官稠疊一種小如瓜舐最愛蘭湯渟雪卯酒欲醒時
節雲母乍分瓊屑玉楮刻成風葉拾取黏雙蝴蝶驚飛鬢
影奇絕

湘江靜

蛤蜊

獮殼深緘潭底並任吹殘老楓誰省房同蘆雉花輸石蛙占
魚牀清冷網漉兩筠竿檣頭響青泥成餅西風古水斜陽野
田尋啁雀更無影 甲卸初湯沸定一痕纖嫩黃逾淨不知
許事相逢且食把膏脂都屏犯卯未醒時喚金釵小盤須釘
幾番爲爾勾留住了早春歸興

清波引

西施舌

越絲千縷誰暗趁落潮網住恁時看取一錢底須與悔逐扁
舟去亂水飄零良苦自從歌罷吳宮聽不到小脣語 鳴薑
薦俎此風味難得並數島煙江雨短篷醉曾者荔子香辭樹
一半勾留爲汝試問舊日鴟夷比儂饒否

聒龍謡

龍螭

雨黑南溟煙黃北戶慣候潮痕昏曉倦羽飛來被濕沙黏了
何嘗見蛭蚋塵生宛一似蛭蛻香抱待紅絲綴上釵頭又輸
與緬蟲小 鮫人市蜃人船過十里五里酒人騰笑刀砧喚
住璧珠娘纖爪算加恩簿子須添辨異味食經重草訝劉郎
學秦龍時不曾捫到

曝書亭集卷第二十九

曝書亭集卷第三十

秀水 朱彝尊 錫鬯

詞七

蕃錦集

十六字令 春暮

愁魏扶別後花時獨上樓魚玄機風吹雨李賀春肯爲人留白居易

南歌子 早秋西湖

桂楫中流望丁仙芝荷花鏡裏香李賀無數紫鴛鴦余延年壽嬋娟江

上月劉長卿拂羅裳閻朝隱

摘得新 伎席

歌有聲李賀朱絃繁復輕溫庭筠碧桐風嫋嫋陸龜蒙月初生王建嬋

娟花豔無人及羅長孫早傳名無忌

桂殿秋

劉城客夜

月澹澹

李賀

雨微微

張泌

故鄉山水路依稀

羅鄴

近來欲睡兼難睡

劉寫

正是歸時底

不歸

葛鵲兒

搗練子

吳興感舊

春雨灑

馮著

滴檀藥

陸羽

獨宿江城蠟炬殘

杜甫

正是花時堪下淚

張隱

更無人倚玉欄杆

崔魯

又

同前

無處覓

吳融

不須留

劉言史

遲日園林悲昔游

杜審言

惟有別時今

不忘

顧況

滿天風雨下西樓

許渾

江南好

同周青士過沈山子村居

三春暮

郎大

看竹到貧家

王維

高樹夕陽連古巷

盧綸

小橋流水

接平沙

劉兼

把酒話桑麻

孟浩然

又曉起商氏園亭

更五點

韓愈

珠箔卷輕寒

薛奇童

金谷風光依舊在

白居易

紅泥亭

子赤闌干

李白

迷路出花難

宋之問

又

過柯翰周書屋

披礪戶

盧照鄰

疎快頗宜人

杜甫

家醞滿餅書滿架

白居易

山花如

繡草如茵

許渾

獨坐一園春

盧照鄰

又

詠燕

銜泥燕

韋應物

最在美人家

芮挺章

盡日聽彈無限曲

元稹

等閒飛

上別枝花

李商隱

一種逐風斜

楊希道

南鄉子

珠江春思

日隱輕霞

王維

紅紅綠綠苑中花

王建

何處更添詩境好

司空圖

聽

春鳥

韋應物

飛去花枝猶裊裊

韋應物

又 度號社湖

柳拂浮橋

韓

青山隱隱水迢迢

杜

行盡江南數千里

岑

蓮風

起

李

賀羅袖動香香不已

楊太

真

又 上谷觀伎

躡珠履

楊

舞羅衣

李

清歌寶瑟自相依

駱賓

此夜不堪腸斷

絕

權德

輿

紅燭滅

李

願歸去豈知還向月

李商

隱

憶王孫

湯公

牧鄭文谿柯翰周飲酒肆

花南水北雨濛濛

盧

十里鶯啼綠映紅

杜

葉葉春衣楊柳風

韓

翊出城東

王

維笑入吳姬酒肆中

李

白

又 春游

清江一曲柳千條

劉禹

日出三竿春霧消

同

上苑梅香雪裏

飄

崔日

馬蕭蕭

杜

淥水斜通宛轉橋

韓

翊

又後游

平田渺渺獨傷春

李嘉祐

兩岸桃花夾去津

王維

一種佳游事也

均

張諤

草如茵

李賀

不見當時勸酒人

曹唐

又歌席

嬌歌急管雜青絲

岑參

燭暗香殘坐不辭

陸龜蒙

細雨春風花落

時

李白

暗相思

白居易

若問旁人那得知

崔顥

又探梅

一株斜映竹籬門

薛能

磳戶芳煙接水村

司空圖

搖蕩春心似夢

魂

皎然

水雲昏

顏真卿

靜愛寒香撲酒樽

羅隱

又題沈武功雙谿草堂

浴鳬飛鷺晚悠悠

杜甫

堤下連檣堤上樓

劉錫禹

紅蓼花疎水國

秋

杜荀鶴

采蓮舟

閻朝隱

直到門前溪水流

常建

又 鏡湖秋思

越山重疊越溪斜

羅虬

竹浦風迴雁弄沙

鮑溶

幾箇輕舟在若邪

王翰摘蓮花

王勃

江月相隨直到家

李頻

又 濟南元夕

今年春色勝常年

崔液

遙望笙歌隔水煙

王建

何處風光不眼前

王表月如弦

李叔卿

從未團圓直到圓

王建

江神子

題畫竹

萬條寒玉一溪煙

李賀

泛春泉

孟郊

映秋天

任華

曾憶湘妃廟裏雨

中看

白居易

閒對數竿心自足

張南史

滄海上白雲間

楚令狐

春光好

春恨

花嬋娟

孟郊

月嬋娟

同上

早是傷春夢雨天

韋莊

思絲絲

盧仝

梁間

燕子聞長歎

李商隱

春將半

劉禹錫

舊事思量在眼前

白居易

一年

年上同

長相思 歌席

歌淫淫

李賀

管悵悵

同上

花煖江城斜日陰

宋濟

情多酒不禁

白居易

爲君吟

李賀

白動君心

同上

雲母屏風燭影深

李商隱

銷魂況在今

錢起

昭君怨

題畫

危石纔通鳥道

劉長卿

山色東西多少

皇甫冉

石上幾年松

顧況

碧

叢叢

李賀

斷岸沉魚釣畧

陸龜蒙

霜葉無風自落

盧綸

月照一孤

舟

孟浩然

去悠悠

韓愈

生查子

別思

楊柳映春江

崔國輔

露葉凝愁黛

盧照鄰

獨立俯閒階

韓偓

離別人

誰在

杜甫

千里夢難尋

溫庭筠

恨極同填海

吳融

本是細腰人

陸龜

蒙
數急芙蓉帶李商隱

楊柳枝會稽春游

渠柳條長水面齊王建燕銜泥韋應物花潭竹嶼傍幽蹊儲光義草

萋萋岑參油壁車輕蘇小小羅隱向君笑李白玉壺春酒正堪攜

岑參若邪溪杜甫

玉蝴蝶同沈覃九再登平山

秋雲不雨長陰盧綸積翠靄沉沉王維繫馬又登臨朱灣風吹秋更

深周朴暗蛩生暮色無可寒磬滿空林劉長卿沈約瘦悵悵李商隱

憑高獨苦吟韋莊

浣溪沙同柯寓匏春望

煙柳風絲拂岸斜雍陶遠山終日送餘霞陸龜蒙碧池新漲浴嬌

鴉杜牧閨苑有書多附鶴李商隱春城無處不飛花韓翃馬啼今

去入誰家

張籍

又

西湖早春

雪帶東風洗畫屏

許渾

便教鶯語太丁寧

杜甫

看花多上水心亭

張籍

隔岸春雲邀翰墨

高適

傍簷煙雨濕巖扃

韋莊

瓦甌斟酒暮

山青

崔道融

又

虎丘

高閣晴軒對一峯

許渾

泊舟微徑度深松

郎士元

水天春暗暮雲

濃

鄭谷

歌酒家家花處處

白居易

羅衫葉葉繡重重

王建

一杯可

易得相逢

白居易

又

山塘夜泊

月挂西弓藹藹明

陸龜蒙

春風倚櫂闔閭城

李嘉祐

酒旗歌扇正

相迎

陶峴

碧幌青燈風豔豔

元稹

紫槽紅撥夜丁丁

許渾

一更更

盡到三更

杜荀鶴

又小孤山

四面無塵輟權過

羅隱

秋來江靜鏡新磨

杜牧

碧玉雲高髻綰婆娑

曹唐

深洞長松何所有

王維

曉煙清露暗相和

陸龜蒙

白銀盤裏

一青螺

劉禹錫

又天津道中

海燕西飛白日斜

許渾

津橋春水浸紅霞

雍陶

鷓鴣鷓鴣滿晴沙

杜甫

樹色到京三百里

殷堯藩

柳條垂岸一千家

劉商

權聲煙裏

獨嘔啞

韋莊

又夜泊無錫聞鄰舟歌者

雲鬢新梳薄似蟬

白居易

江頭暫駐木蘭船

張翥

水寒煙澹落花

前

譚用之

五夜清歌敲玉樹

曹唐

一雙纖手語香絃

李羣玉

坐來

雖近遠於天

吳融

又惜別

惜別愁窺玉女牕

李

遙知不語淚雙雙

權德輿

綺羅分處下秋

江

暮雨自歸山悄悄

李商隱

殘燈無燄影幢幢

元稹

仍斟昨

夜未開缸

李商隱

又春閨

出意挑鬟一尺長

段成式

巧勻輕黛約殘妝

施肩吾

黃昏獨自立

重廊

宗柯

蠟照半籠金翡翠

李商隱

羅裙宜著繡鴛鴦

章孝標

不

因風起也聞香

羅虬

又同前

十二層樓敞畫檐

杜牧

偶然樓上卷珠簾

司空圖

金爐檀炷冷慵

添

劉兼

小院迴廊春寂寂

杜甫

朱欄芳草綠纖纖

劉兼

年年三月

病懣懣

韓偓

減蘭 憶別

我行自北

顧況

薄暮欲歸仍佇立

李建勳

言告離衿宋華一寸迴腸

百慮侵

唐彦謙

吁嗟萬里

歐陽詹

回首可憐歌舞地杜甫風雨蕭

蕭

韓偓

二十年前舊板橋

劉禹錫

又 鴛鴦

荷塘倚扇

李賀

動處水紋開

張翥

五色氤氲

陳子昂

鏤羽雕毛

迴出羣

皮日休

浮湍戲渚

蕭穎士

看處便須終日住

吳融

折彼荷

花

王勃

相趁鳬雛入蔣牙

杜甫

又 落花

叢芳爛熳

陳子昂

庭影離離正堪翫

儲光義

碧樹溟濛

上官昭容

一片西

飛一片東

王建

絲纏露泣

韓偓

惟有春風最相惜

楊巨源

灞岸分

筵徐堅觸忤愁人到酒邊杜甫

又落葉

蕭其森矣蕭穎士客舍秋風今又起岑參千樹山家王起村映寒原

日已斜郎士元客無所託李白五夜颼颼枕前覺劉禹錫覺坐而

思韓愈不爲愁人住少時戴叔倫

采桑子秋日度穆陵關

穆陵關上秋雲起郎士元習習涼風蕭穎士於彼陳桐宋華撼撼淒

淒葉葉同吳融平沙渺渺行人度劉長卿垂雨濛濛元結此去何

從宋之問一路寒山萬木中韓偓

菩薩蠻秋日陪劉增美中丞飲治源亭子愛其山水竹樹之勝題壁四首

遙看一處攢雲樹王維秋花錦石誰能數杜甫犬吠水聲中李白回

流映似空盧照鄰綠陰生畫靜韋應物亂竹開三徑王勃未惜馬

蹄遙

杜甫

看余渡石橋

宋之問

又

幽栖地僻經過少

杜甫

沙頭雨染斑斑草

白居易

隨意坐莓苔

杜甫

清風松下來

孟浩然

鍊金歐冶子

杜甫

但有寒泉水

王維

臨眺獨

躊躇

杜甫

當看越絕書

高適

相傳歐冶鑄劍於此

又

數株門柳低衣桁

岑參

隔牕雲霧生衣上

王維

森木亂鳴蟬

杜甫

溪

風爲颯然

同上

吏人橋外少

同上

處處聞啼鳥

孟浩然

何必武陵

源

高適

都無人世喧

李白

又

山公醉後能騎馬

李白

銀鞍却覆香羅帕

杜甫

回首白雲多

同上

依

依奈別何

獨孤及

可憐游賞地

姚合

寂寂深煙裏

司空圖

只想竹

林眠

杜甫

逍遙不計年

李白

又題画

柴門流水依然在

韓翃

更看絕頂煙霞外

薛逢

路盡有平沙

于鵠

無

村不是花

張翥

身心塵外遠

崔峒

蕭散林亭晚

弓嗣初

一到且淹

留

李白

自由中自由

貫休

又題孫武光山南讀書圖

每嗟塵世長多事

羅鄴

終須揀取幽栖地

陸龜蒙

只在此山中

賈島

由來趣不同

殷益

地寒松影裏

張喬

種竹交加翠

杜甫

遠遠出人

羣

權德輿

朝朝見白雲

姚合

卜算子

夜過高漢思書屋

深柳讀書堂

劉昫

暗水流花徑

杜甫

愛向沙頭把釣竿

嚴武

荷葉

藏魚艇

岑參

雜樹晚相迷

杜甫

煙鳥栖初定

孟浩然

認得詩人在

此間

劉禹錫

醉月頻中聖

李白

又泛舟橫塘

春恨幾徘徊

楊炯

無限青青草

皇甫冉

莫爲輕陰便擬歸

張旭輾轉

傷懷抱

孟雲卿

野渡亂花飛

司馬禮

風煖聞啼鳥

高弁

多少樓臺

煙雨中

杜牧

看竹誰家好

劉長卿

又早春聞思

羅袖拂寒輕

崔液

玉管朝朝弄

張祐

一樹寒梅白玉條

張謂

逐吹香

微動

吳武陵

明月坐來生

顧在鎔

遠岫凝氛重

楊思玄

樓上花枝

笑獨眠

劉長卿

好作鴛鴦夢

李賀

巫山一段雲

滇江道中

曉鷺棲危石

鄭巢

風榆落小錢

張仲素

綠楊如髮雨如烟

崔魯

兩岸

子規天

栖蟾

浦樹遙如待

張九齡

雲沙靜渺然

杜甫

落霞紅襯賈

人船

莊韋

風正一帆懸

王灣

又題毛子霞小像

賦料揚雄敵

杜甫

詩傳謝朓清

李白

凌雲筆札意縱橫

杜甫

逢迎

王維

老得滄洲趣

劉長卿

歸來物外情

宋之問

儼然天竺古

先生

王維

圖畫表冲盈

孫逖

好事近

飲蓮子湖

春氣滿林香

王翰

水泮寒塘始綠

韋應物

目送迴汀隱隱

陸龜蒙

十

餘竿野竹

方干

衛娘清轉過雲歌

羅隱

山月皎如燭

韋應物

若向

陽臺薦枕

王勃

得明珠十斛

李賀

柳含煙

春游憶青士天目

船緩進

白居易

就花枝

同上

別路青青柳發

周賀

千條金縷萬條絲

錫禹

復參差

盧綸

兩見梨花歸不得

趙嘏

昨日老於前日

白居易

不堪愁望更相思

張窈窕

落花時

白居易

清平樂

春感

平陽花塢

李賀

寂寞春山路

杜甫

花亦不知春去處

王建

黃鳥縣蠻

芳樹

韓翃

孤舟日暮行遲

劉長卿

花開花謝相思

韓偓

世事不同

心事

劉禹錫

何年更是來期

韓翃

又

雨中夜度蕭山

淒其以栗

蕭穎士

四望都無極

劉又

煙葉蒙籠侵曉色

白居易

不願

石郎戴笠

段成式

十點五點殘螢

子蘭

有風有雨人行

王建

借問

山陰遠近

皇甫冉

遙聞擊柝山城

嚴維

又

玉泉山寺招曾青藜徐方虎不至

津流竹樹

張南史

暗指人家去

沈頌

欲識桃花最多處

獨孤

百轉

宮鶯繡羽

鮑防

乘閒莫厭來重

陸龜蒙

殿前殿後花紅

王建

遲美

人子不見

陳子昂

抱琴好倚長松

王維

又

維揚春暮

春融豔豔

韓屋

燕外晴絲卷

杜甫

回首夕嵐山翠遠

李紳

芳草落花

無限

丹丘

比來寒食佳期

鮑防

風臺水榭逶迤

鄭繁

楊子津頭月

下

白居易

游人處處歸隨

陳元初

又

同程穆倩孫無言泛舟紅橋

鶯和蝶到

張南史

秀發王孫草

陳祐

借問春風何處好

杜牧

乍逐東

西傾倒

張南史

曲水竟日題詩

杜奕

槐陰柳色通達

嚴維

且願相

留歡洽

張籍

欲去不去遲遲

子蘭

又

送李天生還關中

環山繞野

白居易

驛路飛泉灑

王維

還把玉鞭鞭白馬

張籍

取酒蝦

暮陵下

謝良輔

渭水處處流漸

同

登高望見昆池

范登

更愛終

南灞上

呂渭

五陵共獵秦祠

樊珣

秦樓月

春思

風颼颼

溫庭筠

桃紅李白花參差花參差

蘇頌

枝條鬱鬱

上官

淑

景遲遲

樂章

青樓珠箔天之涯

盧仝

清風明月遙相思遙相思

王勃

重吁累歎

王維

識者其誰愈

韓愈

更漏子

京口晚望

秋風清

李白

秋色白

李賀

瓜步寒潮送客

劉長卿

望極浦

王維

度飛梁

盧照鄰

吟詩秋葉黃

杜甫

幽蘭露

李賀

香楓樹

皇甫冉

吠犬鳴雞幾

處

同上

蒼翠晚

劉長卿

染羅衣

李賀

鳥還人亦稀

李白

阮郎歸

春閨

南園春色正相宜

張謂

蜂雄粉蝶雌

李商隱

水邊楊柳綠

煙絲楊

源

長條踈地垂

沈佺期

草淺淺

溫庭筠

雨離離

同上

花開花落時

薛濤收將鳳紙寫相思李商隱雙蛾顰翠眉武平一

河瀆神 大孤山神祠

川上晚蕭蕭張諤楚地連山寂寥李嘉祐女蘿山鬼語相邀李商隱

青山暮暮朝朝劉長卿樵子眾師幾家住皇甫冉鴛鴦一處兩

處皮日休潮至潯陽回去張繼風淒淒子夜雨王維

又 妒女祠

山木女郎祠王維西路翩翩去時韓翃綵旛新剪綠楊絲韋莊槐花

點散采恩陳元初練帶平鋪吹不起李賀漠漠黃花覆水朱放繡

領任垂蓬鬆杜牧含情咫尺千里魚玄機

又 長水三姑廟

花下蝶微飄陳頗江臯綠草迢迢杜牧一渠春水赤闌橋溫庭筠空

餘淚滴寒潮劉長卿野廟向江春寂寂李羣玉清川永路何極

望盡青山獨立劉長卿 紅桃處處春色魚玄機

又 雨度石湖

漠漠復霏霏李得 楊花暮雨露衣劉長卿 雨涼頻見鷺鷥飛鄭谷 采

蓮艇子撐歸皮日休 嵐翠暗來空覺潤溫庭筠 鳥向平蕪遠近

綠倒紅飄欲盡陸龜蒙 傷心朝恨暮恨寶弘

風蝶令 送別

北斗分征路徐彥伯 南橋列祖筵徐知仁 生憎柳絮白於縣杜甫 明

日行人已遠劉長卿 騎連連王維 詩憶傷心處杜甫 杯銜欲別前

韓愈好花爭奈夕陽天張泌 惆悵青山渌水韓翃 急回船李康成

賣花聲 紅橋後游寄懷柯翰周

雁蕪小紅橋白居易 惟以招邀蕭穎上 一渠春水柳千條白居易 正

是江南好風景杜甫 煙月迢迢韓偓 孤夢楚山遙許渾 各自無聊

韓偓

玉人何處教吹簫

杜牧

客路不歸秋又晚

張喬

木落蕭蕭

休

鷓鴣天

燕臺送陳左源還吳

與客提壺上翠微

杜甫

薊庭蕭瑟故人稀

王之渙

扁舟不獨如張

翰

杜甫

先達誰當薦陸機

劉長卿

相勸酒

李賀

遠將歸

王建

重嗟筋

力故山違

杜甫

那堪回首長洲苑

李嘉祐

惟有年年秋鴈飛

李嶠

又

嶧山

天半羣山孤草亭

杜甫

下方雲雨上方晴

馬戴

笑拈霜管題詩句

元稹

閒向春風倒酒餅

張籍

喜嘉客

顏真卿

展幽情

上官昭容

紫迴

樹石罅中行

杜甫

他鄉就我生春色

杜甫

此地纔應聚德星

薛能

又

鏡湖舟中

南國佳人字莫愁

韋莊

步搖金翠玉搔頭

武元衡

平鋪風簾尋琴

譜

皮日休

醉折花枝作酒籌

白居易

日已暮

郎大家

水平流

白居易

亭亭新月照行舟

張祐

桃花臉薄難藏淚

韓偓

桐樹心孤易感秋

曹鄴

又訪舊

一丈紅薔擁翠筠

李商隱

晚來林鳥語殷勤

白居易

松間明月長

如此

宋之問

石上青苔思殺人

樓穎

章臺柳

韓柳

鬱氛氲

李舒

濕雲

如夢雨如塵

崔魯

紅箋漫有千行字

裴說

祇是相思秋復春

河傳

聽鶯

花片

張南史

深淺

同上

半山晴

皎然

落月殷勤早鶯

周賀

楚歌吳語嬌

不成

李白

多情

劉長卿

時時聽一聲

白居易

偶值門開暫相逐

元稹

聲斷續

盧仝

過盡重重屋

白居易

臨高臺

王勃

重徘徊

清書

酌來

無名氏

留君醉一杯

戴叔倫

玉樓春

簾內美人

江煙濕雨鮫綃軟

羅隱

勻粉時交合歡扇

權德輿

千回相見不分

明

王建

乍去乍來時近遠

韋應物

石家蠟燭何曾翦

李商隱

五夜

漏聲催曉箭

杜甫

不如眠去夢中看

徐安貞

誰爲含愁獨不見

沈佺

期

又燭下

雨滋苔蘚侵階綠

岑參

風動落花紅款款

元稹

愛君簾下唱歌人

白居易

初卷珠簾看不足

權德輿

何當共翦西牕燭

李商隱

美酒

一杯聲一曲

李願

不知含淚怨何人

張貴

料得也應憐宋玉

李商隱

又小樓

小樓深巷敲方響

錢起

兩兩紅妝笑相向

崔顥

本來銀漢是紅牆

李商隱

欲上仙城無路上

顧況

年光到處皆堪賞

張仲素

南陌東城

詎來往

權德輿

更無消息到今朝

劉禹錫

秋思冬愁春悵望

白居易

又 二圖

劉郎已恨蓬山遠

李商

金谷佳期重游衍

王駱賓

傾城消息隔

重簾

李商

自恨身輕不如燕

孟

畫圖省識春風面

杜甫

鴛鴦真可羨

盧照

一生一代一雙人

王駱賓

相望相思不相見

王勃

瑞鷓鴣

春思

尋春何事却悲涼

王建

半掩朱門白日長

韋

已恨流鶯欺謝客

溫庭

不令仙犬吠劉郎

唐

女蘿力弱難逢地

曹

戲蝶飛高

始過牆

姚合

誰與王昌報消息

李商

銀缸斜背解明璫

裴思謙

又 別思

春橋南望水溶溶

莊

半壁天台已萬重

許

心寄碧沉空婉孌

劉

語來青鳥許從容

唐

更爲後會知何地

杜甫

難道今生不

再逢

韓

最憶當時留燕處

溫

桐花暗澹柳惺忪

元稹

又感舊

謝家輕絮沈郎錢

李商隱

風景依稀似去年

趙嘏

石瀨雲溪淨寂

寂

權德輿

綠牕紅淚冷涓涓

李郢

落花不語空辭樹

白居易

明月

無情却上天

薛逢

還有些些惆悵事

白居易

而今重說恨絲絲

張籍

虞美人

雲中送俞右吉之鄴下

來時萬里同爲客

司空文明

廣武原西北

張祐

看看北鴈又南飛

施肩

吾

慎莫愁思顛顚損容輝

王維

無端更渡桑乾水

賈島

如此

杜甫

蕭蕭羸馬正塵埃

羅隱

煙裏歌聲隱隱

魚玄機

入叢臺

上官儀

南鄉子

舊游

川闊遠天低

戎昱

垂柳陰中白馬嘶

秦韜

君過午橋回首望

劉禹

錫

東西

鮑防

依舊煙籠十里隄

韋莊

北渚對芳蹊

姚崇

恰恰啼

杜甫

腸斷舊游從一別

沈彬

尋溪

嚴維

不是花迷客自迷

李商

踏莎行

中秋席上送吳孝廉南還

積水深沉

盧綸

平原廣潔

張南史

夕陽照箇新紅萼

司空圖

秋風滿

樹鵲南飛

諸嗣宗

不寒不暖看明月

徐凝

風月相知上官昭容故人

離別

顧況

世間惟有情難說

同上

百壺那送酒如泉

杜甫

但須茗芋

酬佳節

杜牧

臨江仙

客東甌懷歸

何處春風吹曉幕

顧況

蠻江豆蔻連生

韓偓

故鄉七十五長亭

杜牧

欲尋芳草去

孟浩然

不遣柳條青

李白

自是不歸歸便得

崔塗

江

頭日日人行

皇甫冉

可憐寒食與清明

明皇

落花相與恨

韋承慶

江

樹遠含情

宋之問

又

峽中望飛來寺

兩岸青山相對出

李白

至深至淺清溪

李白

寒猿晴鳥一時啼

李白

易

泉聲咽危石

王維

草色引長隄

皇甫冉

乘興輕舟無近遠

賈至

人隨流水東西

劉長卿

夜深臺殿月高低

杜牧

橋回忽不見

岑參

木萬株齊

劉長卿

又

寄題澹公丹霞精舍

蘭若去天三百尺

岑參

生涯一片青山

顧況

朝看飛鳥暮飛還

李白

愛茲山水趣

閻防

還肯到人間

張謂

風景蒼蒼多少恨

劉蒼

猿聲

南接荆蠻

楚令狐

樹深藤老竹迴環

白居易

何時一茅屋

杜甫

吾黨

共追攀

賈島

又

汾陽客感

無限塞鴻飛不度

李益

太行山礙并州

白居易

白雲一片去悠悠

張若虛

飢烏啼舊壘

沈佺期

古木帶高秋

劉長卿

永夜角聲悲自

語杜甫思鄉望月登樓魏扶離腸百結解無由魚玄機詩題青玉案

適高適淚滿黑貂裘李白

又胡天岫移居審山寄之

新買雙溪定何似王維條桑種杏何人皇甫冉園收芋栗未全貧

水迴青嶂合杜甫山逼畫屏新李白詩酒尚堪驅使在杜甫

經過北里南鄰王維性情嬾慢好相親白居易遠尋留藥價杜甫小

睡凭藤輪同上

又懷歸寄周青士繆天白

流落天涯誰見問韋莊一生判却歸休柳宗元漁竿消日酒消愁

黍苗侵野徑高駢竹樹繞春流張謂想得故園今夜月錢翀還

應先照西樓韓偓拏煙閒弄箇漁舟陸龜蒙名山思徧往賈島作意

共君游張籍

南樓令

香萼媚紅滋

徐彥伯

微芳不自持

張九齡

陟秦臺

上官昭容

俯盼喬枝

同上

獨倚闌干正惆悵

張賡

三月盡草青時

韓偓

揮手碧雲期

楊諫

空歌悲莫悲

閻寬

落花飛

王勃

遠近涼颼

宋華

別恨最深何處寫

李端

兩不見但相思

李白

又春愁

細草綠汀洲

李嘉祐

斜陽下小樓

杜牧

一回來

白居易

使我生憂

韓愈

記得玉人春病後

薛能

生枕上起睂頭

魏扶

此意重悠悠

楊巨源

此情非自由

戴司顏

笑春風

李白

胡不爲留

韓愈

欲寄相思千里月

杜牧

君不見曲如鉤

齊己

蝶戀花

春暮

滿眼流光隨日度

元稹

晨往東臯

王維

花雜重重樹

杜甫

最是一年

春好處

韓愈

王孫不耐如絲雨

高蟾

欲訪桃源入溪路

王昌齡

臨

水鳴琴

宋華

不覺芳洲暮

鄭愔

落日已將春色去

李昌符

生憎燕子

千般語

王駱實

又

錢塘觀潮

楓浦客來煙未散

許渾

如訴如言

羅隱

漸落分行鴈

李嶼

解道澄江

淨如練

李白

風翻白浪花千片

白居易

細雨濕衣看不見

劉長卿

浩汗連縣

張希復

地闊平沙岸

杜甫

信宿漁人還汎汎

同

富陽山

底樟亭畔

白居易

又

閒適

帳裏爐香春夢曉

韓翃

雀噪荒村

王維

花落知多少

孟浩然

寂寞柴

門人不到

王維

橋邊日日看芳草

皇甫冉

小舫一艘新造了

白居易

有竹千竿

易

水葉分蓮沼

高正臣

行處便吟君莫笑

薛能

一生

飲酒花前老

張籍

又詠春雨

江海茫茫春欲徧

劉長卿

草細堪梳

李賀

野色寒來淺

羅隱

向晚因

風一川滿

薛奇童

蘭閨柳市芳塵斷

王駱賓王

越女含情已無限

羊士諤

杉篠萋萋

蕭穎士

天畔登樓眼

杜甫

此夜斷腸人不見

顧況

牕只有燈相伴

裴悅

漁家傲

贈別

花面鴉頭十三四

劉禹錫

調箏夜坐燈光裏

王諲

行到階前知未

睡無名氏

揮玉指

閻朝隱

絃絃掩抑聲聲思

白居易

會得離人無

限意鄭谷

杯傾別岸應須醉

羅隱

曾向五湖期范蠡

韋莊

幾千里

盧仝

如何遂得心中事

劉言史

十拍子

同李武曾潘次耕蔡竹濤過玉泉山寺

上苑離離鶯度

劉方平

前溪漠漠花生

周賀

溪畔數鷗閒不起

殷文

圭馬上吟詩卷已成

法振

千山冰雪晴

盧綸

魚網平鋪荇葉

李嘉

祐板橋人渡泉聲

顧況

行殿有基荒薺合

許渾

竹塢無塵水檻清

李商隱

偏傷遠客情

陶翰

天仙子

惜春

何許相逢綠楊路

劉禹錫

萬疊春波起南浦

張泌

碧雲芳草兩依

依

君莫訴

無名氏

相思苦

王勃

況是青春日將暮

李賀

昨夜東

風還入戶

郎士元

燕子不歸花著雨

韓偓

今朝誰是拗花人

李賀

春

已去

王建

留不住

李夢

此地獨來空繞樹

張籍

又

喬柱史壽詞

秋水纔深四五尺

杜甫

湖館脩然無俗客

裴夷直

種松皆老作龍

鱗

王維

一隻

白居易

鶴一隻

吳融

周步一池消半日

皮日休

顏貌只

如三二十徐疑年來漸覺鬚鬚黑劉商人間豈不是神仙劉真紫毫

筆白居易珊瑚席顧況滴露研朱點周易高駢

風入松 憶別

楚腰纖細掌中輕杜牧出水舊知名李商隱數聲風笛離亭晚鄭谷

猶宛轉陸士修久住雲駢樂章獨望天邊初月寶弘餘殷勤遠別深

情嚴維流年堪惜又堪驚趙嘏秋水綠痕生楊巨源魂銷事去無

尋處李中西陵下李賀蕭颯松聲上官昭容惆悵空教夢見韓偓如何作

得雙成魚玄機

滿江紅 春日懷歸

燕燕于巢顧况卷翠幕李賀花張錦織鮑容芳菲節柳姬光風轉蕙樂章

漏添遲日韓偓世事浮雲何足問王維簾前春色應須惜岑參勸少

年李紳放意且狂歌翁承贊陳瑶席王維春向晚劉禹錫日西夕李白

閒徙倚

吳融

長思憶

韓偓

只將琴作伴

白居易

東西南北

賈休

鄉信漸

稀人漸老

許渾

流光易去歡難得

鮑防

早歸來

杜甫

已是十年游

張喬

江南客

鮑溶

水調歌頭

暮春山居

返景照疎雨

李白

層閣有餘清

蘇軾

浮雲卷靄

盧照鄰

獨樹花發自

分明

杜甫

池北池南草綠

王建

共握手而相顧

徐堅

遠近聽泉聲

王勃

野果新成子

岑參

山鳥自呼名

宋之問

人寂寞

盧仝

山垞北

盧照鄰

水澄泓

顧況

有竿斯竹

蕭穎士

無數春筍滿林生

杜甫

酌酒會臨泉

水

王維

求壽藤與蟠木

元結

扶汝醉初醒

杜甫

宛是野人也

王維

無事

亦無營

張九齡

又

送孫無言歸黃山

溪水碧於草

岑參

輕柵理還舸

賀知章

故山南望何處

李嘉祐

三十

二蓮峰李白懷宇宙以傷遠陳子昂送飛鳥以極目李白長揖古人

風駱賓王意氣百年內賀遂亮心事一杯中高適碧煙上沈佺期觀

瀑布任華舞蛟龍李賀白雲千里萬里劉長卿日色冷青松王维攀石

壁而無據盧照鄰撫桂枝以凝想徐賢妃魚鳥去來逢李嶠誰識巢

居子陳子昂但訝鹿皮翁杜甫

滿庭芳春暮入雲門山贈月公

逆筍穿溪成用陰槐翳柳蕭穎士年華近過清明韓翃蒿深葉暖賈休

路入亂山行劉長卿天下只應我愛白居易雲門寺杜甫薄地躬耕

杳容與顧况深林倚策耿漳高興小蓬瀛姚崇吾師無一事李頎

松門石磴白居易繡澀苔生李白喜無多屋宇杜甫自足怡情上官昭容

夜後邀陪明月元稹龕燈斂段成式印火熒熒張希復閒中好鄭符綠

樽翠杓弟陵女子何忍獨為醒王績

歸田歡

柯翰同見過村舍夜話即歸朝歡

寂寞江天雲霧裏

杜甫

破屋數間而已矣

韓愈

風光便是武陵春

方逍遙自有蒙莊子

趙彥

起來花滿地

于清

溪一道穿桃李

維關前軒

顏真卿

田風拂拂

李賀

得酒且歡喜

韓愈

盤餐市遠無

兼味

杜甫

客到但知留一醉

李白

濁醪飴飯任吾年

杜甫

憑君莫話

封侯事

松曹

外物非本意

李頎

世情付與東流水

高適

爲君題

岑參洞

天石扇

李白

丘壑趣如此

錢起

沁園春

送曹子顧學士還南溪

草堂去來

白居易

有橋有船

同上

有蓴有魚

蕭穎士

又不勞朝謁

白居易

趣侔江海

獨孤

縱心放志

白居易

丈室安居

釋昇

明月清風

居陵

女繡林錦野

賈休

秋水浮階溜決渠

杜甫

人來去

劉長卿

問家何所

有

李頎

吾亦無餘

白居易

夜歸讀古人書

韓愈

一日日

白居易

鈔詩

付小胥

杜甫

任頭生白髮

白居易

物兮無累

羅隱

歌齊曲韻

王勃

道著

清虛

范堯佐

松桂爲鄰

上官昭容

煙霞問訊

同

聲利從來解破除

陸龜

蒙

鷓鴣杓

李白

儻有人送否

王維

每駐行車

張籍

曝書亭集卷第三十



